

說部叢書

第二集
第二編

劍底鴛鴦

言情小說

卷下

上海商務印書館發行

劍底鴛鴦卷下

英國司各德著

閩縣林

紆

仁和魏

易同譯

第十七章

結縈之期近矣。菴主固出世人。然婚姻世之大事。故治其廣廳。假大將軍行禮。平日廟門深闕。出入少遊蹤。今茲乃聽餘人屢入。菴主匪特弗拒外人。且躬自指揮臧獲。陳設間入雲堂。授課亦至廚次。視牲視饌。在百忙中。忽憶身爲菴主。則合十向天。躬曰懺悔不已。此時清規雖備。然界域井然。外院許入。賃價而幼年。徒子妙齡女冠。咸窮閉深屋。以年事稍長者躬自監察。勿令竊窺。雞翹武服之人。汚其慧眼。餘則年與菴主同者。則亦令其助理。羣媪牙齒既盡。上下之脣攢動如網。在綱時縱。時翕。事事都加驗閱。而外貌則感示人以不屑意狀。此時菴之四圍。均大將軍衛卒值邏。但許身有職司及戚隴同宗始聽入。餘人均屏來客集廣廳。從者別加酬接。酒饌亦至豐腴。厮僕見主人既入。則肆口評騭。主客優劣。時老獵卒及格林亦居奴客之中。獵卒

衣青色絨外衫。其妻亦衣黃絹袍服。上下皆緣。爲值頗巨。二人集而觀禮。平日夫婦
虎鬪龍爭。此日爲停戰之地。猶之風濤險惡中。得清平和靄之候。此夫婦二人。猶同
黑霧四塞。今茲豁然開朗矣。彼此既易新衣。外觀復至繁麗。且各進良醞。彼此相見
少平。猜忤凡人心。怒氣平而樂事。卽集大類鑄鑰中。得膏沃入匙時。必不憂憂作響。
二人同立臺階之上。其上有石橈。能臨下。四矚來人。方二人立時。老獵卒易其嚴霜
之氣。風候竟類正月。格林花狀。雖逾五月之期。而微煖。餘炎尙如八月。格林平日驕
人。謂勿論何人。與吾語者。咸樂上至堡主。下至廝牧小兒。無不嘉悅。今日遂竭其生
平藝力。以鼓盪其酷令之夫。老獵卒款語久。加以媚態。竟使長處樹林中之老處。掀
其胡羊之鼻。啟髯張吻。盡露槎枒。老齒大笑。如獵狗之吠。數笑卽歛。以爲假。予格林
顏色多矣。格林曰。似此溫藹之容。較之手握狗鞭。面其如花之美。人作態爲顏。不已
霽乎。老獵卒曰。然今日之歡。較爾當日楊花飄蕩之態。至用我鞭狗之鞭。在爾計之
亦當自足。格林初欲與辯。旣而易爲柔媚乞憐之態。言曰。老伍而曾憶否。先堡主誤。

認吾胸前之繡結以爲牡丹。而弄之。汝卽榜我。老獵卒曰。憶之。吾堡主往往誤會。須知善獵之狗尙走迷途。格林曰。老伍而汝安忍若心坎上之嬌妻。久久不得一新衣之着。老伍而曰。女公子近賜美服。卽侯爵夫人衣之。亦不甚媿。汝今尙復有求。且汝新衣安數者。格林曰。吾願得兩新衣足矣。有兩新衣則省吾鄰婦以吾製衣之年。用識彼兒之歲數。老伍而點首歎曰。天下人安可行樂行樂。固須錢耳。今當於馬吉而節爲爾製衣。邇時吾將賣鹿皮。今年佳卽鹿角亦足得數錢。格林曰。果得價者。角與皮同。此時老伍而聞言如中蠶。整愕然。動色觀者以爲常談耳。胡乃愕然。實老伍而目中所見。則一壯士。方以馬至門。用是而驚非駭。其妻語也。壯士旣下馬。授纜於人。受纜者亦衣麗服。老伍而曰。此亦梟將卽狀。可列通侯徽章。用大將軍。此何人耶。格林曰。吾則識之。此爲蘭特而拉西。爲大將軍。從子才貌皆佳。不媿爲彼宗英。老伍而曰。吾聞之。其人沈涵而揮霍。格林曰。男子之言。胡恤。老伍而曰。女流爲甚。旣而曰。彼胡爲與爾流目送盼。格林曰。汝右眼爲堡主酒杯所中大創。後用此觀物。都不了。

了。老伍而曰。此人曾欲剗刃大將軍。彼此無復相見。今來胡爲。格林曰。此來實女公子。東速之。彼人負枉無數。老伍而曰。汝安從知格林。曰。自有人告我。乃不敢明言。其所以然。備答也。老伍而曰。非鬼詔者。卽蘭特而掬心相示。以他人無爾海口。能作巨謊。汝試覘後來。又有人行步顛頓。此又何人者。格林曰。此爾平日欽仰之君子。人達敏也。老伍而曰。否。吾目非瞽。數禮拜中。未之見。乃失容。至是所衣寬博如被馬衣。非復恆人所服。此少年何病。似有物稽留門次。竟不聽入。又曰。其人似遇眚。面目迷惘矣。格林曰。此人特若重之耳。今茲與蘭特而立。妍媸之判別。又類何物者。老伍而曰。我往問之。竟忘其顰。飛越下階。且行且言。曰。少將軍果病。吾之針法。醫人與獸醫同也。格林獨立言。曰。以狗醫醫。迷惘之風。漢於分適哉。此時老伍而奔越。及於達敏所立地。見達敏方躊躇。作欲進弗進狀。其次有人聳異。達敏初不之覺。老伍而素重達敏。所以禮重者。終以其妻不錄其人。乃深信其人爲君子。時堡中少年。其妻匪不稱道於達敏。獨否。乃益信達敏之爲人。達敏騎射至精。能獵。故老伍而引爲同業。而

益加敬。時菴外有人方肆口譏評達敏。達敏弗覺。老伍而則直趣而鞭之。其人狂逃。老伍而即趣達敏之前言曰。公子胡爲立此。聽彼宵小擲揄。且欲進進耳。胡久立此。矧今日爲大禮。公子宜以禮衣進。達敏如有所思。竟爲老伍而所擾。即怒曰。吾衣安敝者。老伍而曰。以公子武烈及其英姿。胡爲衣此敝服。況今日典禮所在。服之尤爲不衷。達敏曰。汝愚妄也。至調詼之語。亦不能工。今日之事。以盛年之美人。乃與老耄訂期。則我衣服弗稱。亦何過者。老伍而大驚曰。此語安可出聞者。詎我一人。公子出之固無心。若以有心人聽之。則禍作矣。公子曾否知此。間人間得微語。即張王其詞。今公子容慘而目怒。以理言之。宜歸宿爲上。達敏大怒曰。非面意薇芩女公子。吾決弗行。老伍而曰。公子當仰託神靈之面。勿面女公子。既面女公子。則女公子行。且得禍。但爲被害。亦不爲公子之益。達敏曰。然耶。吾意特欲更見一面。果有害於彼。吾亦胡忍。汝言良然。今行矣。遂拂衣而去。甫一迴身。顏色逾變。行未數武。立仆於地。老伍而力往扶掖。竟不能及。及他人掖起時。則襟上皆血。時有高年者。自人羣中出言曰。

吾今日爲之啟刀。令彼安息。曾云違約必不利於病者。吾所裹處。安得脫。其竟脫者。違吾指也。此時大將軍出。大將軍既出。衆囂皆寂。大將軍行禮粗畢。有人告以達敏事。大將軍驚。即令醫生更裹其創。自抱達敏。憂形於色。以達敏將承其後。又有勇名。且大將軍生平至愛此子。因謂醫生曰。吾詔爾善伺吾子。勿至觀禮。胡乃蹶於是間。醫生雖爲大將軍指斥。岸然不爲屈。卽曰。醫之治人。按理依方施治。安能聽病人負氣而趨。果病人弗聽醫士言。則醫者之技固優。胡能奏効。大將軍曰。汝勿詞費。果吾姪必欲觀禮。汝爲侍醫。在義亦當止其勿前。此時蘭特而亦至而言曰。吾思從弟之來。必別有懷抱。若爲電力所喻。非醫者之所能格。大將軍方抱達敏於懷。卽曰。汝言何謂。蘭特而曰。彼來敬季父也。而又仰慕意薇苓女公子。但能支柱其軀。胡得弗前。噫。新人至矣。殆表彼謝忱意。薇苓聞信而趨。旣前。則曰。此殆奇禍。吾繇力能否挽回。公子者。大將軍立起。引其手曰。汝安能爲。是間人衆。非駐足地。意薇苓曰。我能益公。子卽在稠人中。亦非所恤。此爲大將軍從子復爲難中拯我之人。大將軍未及其竟。

卽日聽醫者爲之遂引意薇芩入菴意薇芩不悅大將軍旣行醫生曰大將軍殊有偉識留一婦人在此令我更增一擾醫生移達敏至近處屋中達敏之狀益險醫生遂出其大力醫達敏此時大將軍禮畢退休以達敏之病意薇芩與大將軍均憂鬱無歡大將軍本引意薇芩之手以大將軍抱提達敏時血液汚衣遂沾染及於意薇芩意薇芩力縮其手語羅斯曰此何警兆詎血手之夢應乎羅斯曰此非凶兆凡名凶兆均人臆造試觀大將軍見女公子憂惶顏色立變女公子趣往慰大將軍也大將軍見血衣汚及新婦新婦變色則戚戚不自聊亦起而慰勉意薇芩曰拉西家人流血均非凶兆拉西之血出天下之人安矣意薇芩欲有所報乃不能爲詞此時羅斯進曰大將軍言人人咸信以拉西家血爲扶弱抑強而流此來適爲解圍堡中幸無事均拜大將軍賜大將軍曰婢子言然意薇芩女公子得爾傳言凡女子意所未宣汝皆宣之矣復問意薇芩曰貴人勿憂吾輩惟其過樂故從子負病此亦美中之不足達敏之病立愈其血不爲凶徵以醫生啟其膚革今貴人勿爾貴人不樂客亦

無歡。將責禮於我。今日奉觴爲貴人壽。乃取銀槃承杯。屈一膝上。意薇苓。意薇苓心固不悅。然仍佯笑報大將軍。將進而扶大將軍。忽見有急足奔入。入時至冒昧。言公子病急。大將軍欲面公子者。可趣行。大將軍大驚。與新人及座客別。客亦大驚而散。大將軍甫至門。復遇一教會中使者。既入。問門者曰。諸貴人中孰爲赤目忒。大將軍大將軍曰。鄙人是也。足下若弗急。且少待。吾將爲別死者而行。來使曰。吾事亦簡。但上一牋奉大將軍。大將軍怒曰。此爲何書。爾主教待我爲何物。乃簡慢至此。似此見待。直同下流社會人。安名爲貴人爲良友。使者抗言曰。大將軍威令。可面大主教自言之。大主教之處。大將軍教門自有定制。使者無與也。今大將軍能否以覆書授我。大將軍沈吟久之曰。大主教在是乎。吾乃不料大主教胡爲至此。且既至此。胡能大伸威。使者曰。大主教適至此。彼之威棧。蓋徧於英國。孰能不稟承其號令。大將軍努目視使者曰。吾苟無他故。若之道帔。亦不能將護爾身。汝且歸告主人。吾將於午。中往面。今茲將趣視一病人。不復爲絮絮語矣。使者見斥於大將軍。桀驁之氣少斂。

乃戢尾而去。聞者相顧愕眙。讀者須知英王亨利第二時。教門之燄至擴張。匪特統攝教門。卽非從教者。亦必以威鎮之。亨利第二者。固英主。亦力與之抗。終乃弗勝。因之權力愈恢。自是以來。羅馬教之力。橫於天下。封建諸侯。稍有權力。亦貼伏受抑制。不爾。政令。乃不能自舉。此時座客見大將軍爲主教所侮。人人滋懼。謂主教如是。必不樂大將軍所爲。事且立見敗裂。大將軍竊視座客。人人變色。若有所懾。大將軍心鄙其無膽。乃佯慰之曰。諸公勿憂。吾姪病乃非篤。惟庸醫故張其詞。以駭觀聽。至大主教之窘我。亦以舊交誼。乃不講儀節至此。鄙人與主教往往以戲弄之故。屏去禮節。曾憶當日與大主教言。故以調馬之兒。爲我使令。大將軍語雖如是。而顏色奇變。與所言適相反。卽座客歸時。亦時時爲大將軍顧慮不已。當衆聲都寂時。蘭特而進曰。不肖乃蒙季父赦我前眚。果以事見任者。勞怨均所弗辭。大將軍曰。無也。然中心滋輕其人。蘭特而本欲取寵於大將軍。旣不之悅。亦怏怏歸。

第十八章

此時爲大將軍至失意時矣。結縞之禮既成。新婦匪特美麗。而又富碩。此心方躍躍然喜。乃於春光宏富之中。而情景忽變。黑雲黃霧漫天。四塞爲兆。似未佳也。大將軍既至。達敏病榻。醫生言脈乃大動。神思愈昏。侍病者咸言弗吉。大將軍躡足門外。不敢遽入。但聞夢囈之聲。挺臥如尸。狀至危篤。而囈語中尙呼殺人。似前次夜襲威而司野人之狀。有時則言放鷹調馬行獵事。亦時呼大將軍名。餘語則嚶嚶不可辨析。大將軍欲進者可二次。均無敢入。二目中酸淚已滿。此爲大將軍生平所未有者。蓋大將軍中年已過。但有此子。用襲己業。危病至此。不能無悲。忽爾堅定決計。弗入。匆上馬。謁大主教。既至。見羣馬騰驥。益以橐駝之屬。閑人羣集。以瞻禮大主教。或以危難之故。乞大主教賜福其家。大將軍至門。諭閹者叙官伐求進。閹者止之。言當往取大主教意旨。大將軍怒絕。顧已下馬。竟與廝養之卒同止門外。大將軍初欲徑歸。留語請大主教下賁。既而思之。但能結歡於彼。抗之非利。因曰。吾王尙爲彼教捧鐙。死後伏哭如隸。園今彼爲死者之適。傳吾職。安能高逾英王。尙有一節。至無敢設想。

於心則夷猶謝卻聖陵之役。然天良激刺，不敢遽存此念。謂今日爲大主教所窘，是亦懺悔之一端。因之盛怒立爲之釋。少頃，大主教始以人引大將軍入止於小屋中。移時始見大主教。大主教爲湯麥司白格忒之後，威稜氣燄，實不類前人之暴。而盡力教門，初無貳志。雖聖白格忒轉不如其後人，以包而特溫品節忠懇言之，實爲教門樑棟。特熱心太甚，事事轉因而窒。蓋主教以十字軍之成敗引爲己任，休鼓拉西亦深審之。尤知此主教不可撓折，以私情干之。大非易事。故見時亦往往膽懾。此時大主教神宇嚴毅，據寶座見大將軍，座雕鐫工細，實於煖閣之下。衣繡衣，衣緣咸異。錦製甚奇麗，領緣微開，中露繡衣，亦異製，惟貼肉處，則以粗布制之。此爲大主教平日所服。御者儿上置冠冕，旁列牧羊之杖。初無雕鐫，此杖蓋傳自先世聖白格忒。手持此杖時，較諸長矛利劍爲烈。去寶座不遠，有教士披白道帔，踞而誦經。主教則以手支頤坐而聽之。大將軍入，主教乃如無見。大將軍復怒，方躊躇間，大主教宣言曰：吾兒勿誦。及大將軍行近寶座，大主教堅坐不動，益示之以顏色。大將軍憤極，思遏

其氣。顧乃不能自抑。思欲以平時舊誼與之親炙。或僞爲不見。仍行相見之禮。顧皆弗濟。但見眼赤而唇沸。一腔驕悍之氣。爲人所遏。舉止莫知所可。已而收束其精神。語大主教曰。爾我交誼。止於此乎。以我思之。爾召休鼓拉西宜別遣使者。胡爲命此走卒。卽今日處我亦宜別有假借。不應踞見朋友。大主教徐起。微與點首。而大將軍冀結歡於主教。乃盡禮與之鞠躬。大主教微視教士。教士叉手胸前。俯首徐出。教士旣退。大主教顏色稍霽。而眉宇間尙含餘愠。仍踞座語大將軍曰。勳爵聽之。道人今日視爾。非復當日轟烈奮其赤心。恢復聖陵之人矣。當時與將軍相見。以將軍忠懇道人則退處末座。敢不承望顏色。果將軍仍守前志。則道人甯去其冠杖。爲將軍執轡。用表道人之輸誠於將軍。大將軍曰。神甫。我當日囑希爾福特僧正達吾。惴惴請以兵械糧儲。佐取聖陵。度神甫必如吾請。果神甫以爲弗足者。請誠告我以狀。我敢不盡死於教會。胡敢力與教門爲抗。且我身居戰地。及參與密勿。均以衛教爲心。如是拳拳神甫乃仍加以涼薄。大主教曰。驕恣之夫。敢以區區微勞。遽爾責我教會。休

鼓拉西汝當知上帝蓋假爾之手爲上帝宣勞果使命在廝養則廝養亦能奮勉何需汝者汝胡能矜伐於教會須知汝之富貴咸出上帝之恩汝又何力致此復曰汝勿僭言我尙有餘訓汝當知汝驕其智即謂之愚汝矜其膽即謂之怯凡爾所恃之刀矛均蘆莖耳大將軍曰神甫我久知之凡我立功後所酬庸者固有此言方用我時則揄揚贊美之言日加於耳且以開士爲我祈禱祝我成功邇時我之刀矛初非蘆莖但觀開士頌詞咸乞上天奮我武怒利其軍械殺敵今神甫斥我非才刀矛皆鈍願請如神甫言且神甫旣云廝養可用則宜遣發廝養足矣何由干及勇士規復聖陵大主教目注大將軍久始言曰汝云大將云勇士名爲備邊實圖殘殺上天何嘗須爾膂力爲帝圖功蓋惜爾靈魂沈溺用加超拔大將軍徘徊於廣堂中自言曰汝乃率我歐西勇士埋骨炎荒但以此輕倩之詞蝕我土宇購我身命大主教起立曰此語固休鼓拉西所出耶汝負勇士之名乃以一身之道德靈魂之安逸均棄置矣汝家居與野蠻搏戰得其疆域即爲生平莫大之功以此之故竟忘其至大至偉

之功。推卻弗往。竟昧己身爲基督教人。並自隳其勇士之氣。休鼓拉西者。非腦門中。勇士領袖乎。適所傾吐。詎爲其人之言。大將軍齧牙答曰。汝之長技媚中挾諷。但以愚恆人壯士骨力堅凝。萬不爲爾所動。今亦勿爲驚怛之狀。以動我。實告汝。休鼓拉西。勿論家居及在兵間。其神勇之名。如一猶爾。包而特温。人人稱爾。道德無有貶詞。觀此亦足知我之勇人。亦無敢眩我。大主教曰。汝何爲執我爲較。胡不取進於我。與之爭衝。天下撲星火。易撲燎原之火。亦未嘗非易。汝勿謂盛名鼎鼎。偶一不檢。則畢生勳業。將因此而隳。大將軍曰。我勇名百戰得之。誰蔑我者。大主教曰。爲爾良友所言。若友卽棒擊爾。爾當視爲良箴。吾今觀爾。殆自言大功未酬。不應言此。又自賈其餘勇。以傲庸俗。乃不知爾肩有十字徽章。當自視爲上帝羽林禁卒。今忽欲落籍而去。則污醜之名。卽輿臺亦爲若恥之。大將軍曰。汝太難我矣。汝高居靈界。其視吾輩。如駝騾。借我汗血之功。爲爾揚名之地。然亦當知止。汝尙憶白格忒。亦以太過之故。至於句語至此。格格不吐。主教卽曰。至於見害我。固知爾之言。此用爲自脫之方。

然而誤矣。白格忒者。蓋遵血路升遐。包而特溫。但能身居其下。卽逾倍蓰。爲世界中惡人所慘戮。亦所不辭。大將軍曰。汝亦勿爲憤烈之談。我焉能以慘刑加汝。汝亦知之。今徒爭何益。不如靜而議之。吾非不至聖陵。特少緩耳。吾自謂身卽不行報最。亦非菲薄。不爾展我二年之限。在法亦良。可恕矧已有人先我而爲。大主教曰。展限良可。然以拉西之勇。尙且弗前。則吾事岷矣。果在他人以姻事誤軍事。何關輕重。若爾者。則掀天揭地之人。去此砥柱。餘衆何爲。汝試思英人果言拉西弗行。吾奚僕僕。大將軍汝固注意新人。尤宜勿忘信誓。安可偏乎私愛。忘其千金一諾之誠。大將軍果如此。匆匆成禮。其後亦未必蕃。大將軍聞言。頗踧踖不能遽答。至此亦但能降抑。知於宗教中人。不能用武。因曰。吾固有言赴十字軍。初非反汗。特乞餘閒。部署家政。今且以達敏引軍前趨。大主教曰。汝力能至者。許人可也。安知天心惡狡。加禍爾。任不能從軍。又將奈何。大將軍聞之。愕然而驚。立時念及達敏之病。張目視主教。不已。言曰。神甫勿爲戲言。遽吾姪之病。乃以吾違天之故。致是病耶。大主教知大將軍動其

心弦矣。因曰：吾何敢妄度天心。惟聖經有言：父嗜酸者，其子齒必浮動。似此小過，子弟尚被其罰，則巨者可知。大將軍試思：若姪之病在爾退衲食言之前，病耶抑病在爾退衲食言之後？大將軍忽思未成禮前，達敏雖有病，故未劇。今日之顛連，果天心示警耳。因靜思不言。主教已覺，乃往執其手，言曰：大將軍聽之。果使天罰苟一加，懺悔帝將收其成命。黑希開亞王求天，乃能延其晷刻。汝今趣跽引過，尙能自贖其愆。大將軍平日亦遵宗教，復經主教憇息，一心又憐其姪，不期屈膝而跽，自誓貽誤大事。良獲罪於上帝，今茲願至聖陵功成之後，再娶意薇荅也。大主教曰：拉西汝我復爲良友如初矣。汝自懺之後，胸中塵濁之氣，清滌無遺乎？實則吾不汝怪，特一時蒙昧，閉爾靈臺耳。大將軍曰：吾所欲聞之好消息，卽吾姪痊耳。大主教曰：汝勿憂。若姪俄頃卽瘳，卽使不祿，亦可造諸清都，如歸化城。大將軍引目視主教，主教心無把握，不能握其吉凶，思欲逃去。其詰乃出其銀鈴，搖之而誦經，長跽之神甫出矣。大主教卽令其往，問達敏消息。神甫曰：毋庸也。適有人自達敏將軍病處來，欲面大將軍。主

教曰。趣入回首。面大將軍曰。吾靈覺中似悟。來人將得好消息來也。似爾此時虔誠。禱天。天心仁愛。必得美酬。語時。來人已入衣履。服如賣技人。且已陳舊。溷此主教。清嚴之地。大喪清規。主教怒神甫曰。汝乃敢引此眩人。至是耶。來人曰。吾來非敢遽面。聖人。特有要語。上大將軍。且吾之消息。佳足以贖吾褻衣之罪。大將軍曰。所云消息。佳者。吾姪生與來者曰。病雖未瘳。醫言萬不死。大將軍曰。謝上帝慈悲。待我大主教。曰。亞孟因問來者曰。少將軍甦於何時。來者曰。尙不及一刻鐘之久。少將軍已沈睡。如枯穢之著。爾呼吸亦舒徐。熱度漸退。醫故決少將軍弗死。大主教悅。謂大將軍曰。汝試識其時。其時非上帝賤役命爾悔過時乎。汝一念之善。已感上蒼。故允爾告哀。開一生全之路。大主教言後。大悅。復引大將軍之手曰。大將軍一禱。卽動天心。天蓋取助於爾。爾以爲。道人今夕晚禱。卽爲爾謝天祝福。大將軍亦悅。卽出小錢囊。擲賜來者。來者曰。大將軍賜。謹以奉還。大將軍駭曰。余觀爾服飾。胡能不嗜。吾錢來者曰。人心暗雲。雀者必不以瓦雀爲佳品。小人固有大欲。因而屏謝。小賜大。

將軍曰。汝乃大有希冀耶。顧不言所欲。吾亦無許。汝明日至吾帳。自陳果所求非奢。吾可儘如爾欲。語後乃與大主教別。路經達敏。臥疾處。入問厥狀。與來者語同。

第十九章

大將軍是日得意與失意事雜見。覺今日罷茶。較之鑿戰爲甚。酣睡至於曉日已上。始起時喜怒之事。又復雜投。方未面大主教前衣裳楚楚如少年。今豔夢已醒。當長征三年。寘其聘妻於空堡。且此三年中。在在可虞。一則妙齡之美。人胡足深恃。一則強敵密邇。狙擊亦所時有。前日因從子生死存亡之交。爲親誼所激。慨然許主。教以義征。今達敏略蘇。則又中悔。深念達敏之能。蘇亦未必卽我悔過所致。我思往昔。公侯有慨然赴十字軍中。悔而返者。尊榮安富。初未嘗躬被天災。詎此等人。天意特寬。而於我。休鼓拉西。故加苛責。究之悔已無及。且勿問達敏之愈。果否。關我懺悔之有驗。卽不然者。勢亦無可反汗。方躊躇間。忽聞闈者詰問造訪之人。繼聞有歌聲發於帳外。以短笛吹之。若以歌詞譯爲英曲者。則曰。壯士醒兮。晨曦束。收戰績兮。非夢。

中刀光明兮。甲光動上帝。敕彼史官兮。描此英英者。爲壯士。寵磨盾如鏡兮。生春紅。復歌曰。嗟我田兮。晨而農。嗟吾學兮。晝而攻。獵者縱鷹兮。臨曉溪之溶溶。壯士之穫兮。以名爲農。壯士之得兮。以勝爲宗。獵而取兮。三尺之長鋒。磨盾如鏡兮。生春紅。更歌曰。農之勞兮。抱甕士之所獲兮。癡人夢獵者之田兮。空命中爭曉起兮。日瞳瞳。較爾壯士之決死兮。誰非英雄。壯士趣起兮。揚盾馳前鋒。歌已。大將軍聞有人與歌者。語少須臾。力爪林人啟曰。帳外有人言。大將軍夙允其人入帳。大將軍曰。入之。見昨日。麗衣之人。執雞翹之冠。右手秉笛。衣服層累。咸各爲一色。外衣則爲腦門人飾。新綠照眼。束繡帶。乃不繫兵械。但懸牛角墨合。右懸小刃。用以切肉者。雍髮至短。在藝業中。似爲上流。願以其人風貌觀之。又復不類賣技之人。衣旣奇麗。而容色則又甚肅。如蘊幽憤。卽長歌時。亦時時如有所思。貌雖不颺。却含靜穆之致。令人生敬。旣見大將軍爲禮後。大將軍頗欲羅致其人。語之曰。朋友爾晨來佳。爾適所歌者。余已聆爾雅奏。歌意亦佳。凡人能勸人愛護。居諸則一身亦非蹉跎。日月其人聞言。思久始

答曰。我若別有所思。烏敢直擾將軍清夢。似此狂妄。不蒙見責於大將軍。固非吾意所料。大將軍曰。汝曾云有求於我。趣言之。我倥偬不能久作閒語。其人曰。吾願大將軍長征時。挈我同趨聖地。大將軍曰。茲事吾焉能允。汝非謾者耶。其人曰。吾固樂部中人。以我思之。我之歌技。乃不減於喬勿利路得而之聖手。英王昔聞彼歌。立賜以第宅四區。果使英王許我者。我將與之角技。初無甚媿。大將軍曰。汝固懷技。惟我軍則決不容爾。十字軍中此等人固不少。汝果往者。吾決不爲若保護。況爾業宜於少年。我中歲人。於詩歌安有所動。其人曰。大將軍能擇天下美人。日力已逾少壯而雅樂一道。乃不宜於將軍之耳耶。大將軍意得微笑曰。爾操謾外。尙能作諧語。其人曰。謾與諧並爲吾業之所應。爾惟吾不屑其事故。不願爲小人命舛心違。故趣語亦不時發。大將軍曰。否。爾固不善此。特中吾意。汝爲何種人口吻。大類外國。其人曰。小人居摩爾比罕。故挾方言而來。小人名雷特。而特微達。而大將軍曰。然則爾隨我矣。吾卽令綱紀之僕爲爾易衣。且汝能執械奏武技乎。微達而曰。略審其藝。語次卽壁間。

取劍出匣而舞。而刀鋒閃閃。偪大將軍。大將軍起而呼曰。止。微達而立。倒其刃。俯首言曰。大將軍胡愕然。吾劍術方試。其微。大將軍乃惶惑。如是大將軍慚謝曰。否。吾在萬馬之中。長日運劍。然屏居時。恆不喜人習此。爾今呼余侍者入。余將易衣赴教堂行禮。大將軍意行禮後。將往面意。薇芩姑氏及意薇芩述。大主教言。顧大將軍自念入告。此媼必生曠怒。乃沈吟久。思以和平之言入之。復遂便路省其姪。見達敏病軀漸健。則疑果有天心。遂入菴面姑氏。姑氏得主教語。已前審其事。大主教力挽大將軍出師。防二女戀別。故先入以言。俾大將軍不爲二人所格。姑氏見大主教。則恪恭如禮。然聞變故。心殊弗懌。大主教語竟。姑氏曰。大將軍爲聖教立功善也。然此姻事當立斷。聽吾姪自由。大主教曰。大將軍凱旋再成婚禮。其榮乃逾今日百倍矣。且榮名所被。豈特新婦。其與大將軍有係屬者。皆得榮施。顧主教詞令雖善。而皆莫動姑氏之聽。久久無言。初無首肯之意。蓋思以語抵大主教。且勿令大主教暴怒。因曰。吾之贊成婚事。蓋以亡弟陣殞。惟早爲此女地。則亡弟始有嗣人。今大將軍年鬢稍多。

更。歷。戎。事。三。年。蹉。跎。老。矣。以。老。夫。得。女。妻。非。偶。亡。弟。之。後。不。終。慮。乎。今。大。將。軍。既。行。此。婚。當。絕。聽。意。薇。苓。更。擇。所。天。今。大。主。教。能。以。道。力。挽。大。將。軍。割。愛。長。征。尤。當。以。慈。悲。之。心。爲。吾。姪。女。地。大。主。教。念。聖。陵。之。役。吾。固。出。之。勉。強。今。復。議。絕。其。婚。設。大。將。軍。怒。者。我。將。如。何。因。而。責。媪。曰。汝。爲。教。門。高。弟。胡。爲。念。念。俗。間。兒。女。之。事。汝。但。顧。若。家。遂。置。聖。陵。於。不。問。乎。夫。以。一。家。之。事。坐。聽。宗。教。凌。夷。天。罰。於。何。可。道。姑。氏。雖。莫。敢。抗。辯。然。不。懌。之。色。已。露。言。表。大。主。教。亦。大。怒。而。出。媪。愈。勃。勃。然。怒。不。可。遏。而。大。將。軍。至。矣。大。將。軍。瑟。縮。述。其。長。征。事。姑。氏。引。目。他。視。而。道。衣。似。亦。爲。怒。氣。所。張。已。而。作。冷。語。曰。果。此。語。爲。誠。告。者。胡。以。昨。日。不。先。告。道。人。則。可。勿。行。是。禮。當。日。我。與。意。薇。苓。安。悉。有。今。茲。之。變。局。大。將。軍。鞠。躬。謝。曰。有。德。之。人。聽。我。昨。事。乃。出。意。外。姑。氏。固。不。欲。我。豈。欲。者。媪。曰。似。此。大。事。今。日。行。之。前。日。乃。無。影。響。大。將。軍。曰。吾。立。誓。行。師。固。屬。舊。諾。昨。日。告。大。主。教。以。緩。行。百。請。乃。不。之。可。媪。曰。既。如。是。者。請。大。將。軍。了。此。姻。緣。聽。意。薇。苓。自行。擇。偶。想。大。將。軍。意。亦。猶。是。耳。大。將。軍。大。驚。曰。吾。何。敢。潛。蓄。是。心。此。事。爲。我。生。平。

願望所注者何爲遽逝。媼曰：兒女語老衲，初不願聞。以我思之，爾肯拋此三年之青春。聽意薇作思婦之感，不如永永拋撇，尤爲英雄行事。此時休鼓拉西徘徊不已，始曰：果媼姪女所見亦如是者，吾亦但能如約而已。惟欲得美人玉音，則寸心始死。徑至巴勒士丁無室家之眷，亦大佳事。媼不答，命侍者曰：若請女公子至，是侍者鞠躬而去。大將軍曰：請問姑氏女公子曾聞吾長征之信乎？媼曰：今日大主教至此道。大將軍事老衲已一一告之，吾女大將軍曰：此主教過於孟浪矣。我果自言或能動玉人之聽，彼何爲者？妄哉！主教胡乃干人家事？媼曰：爾與主教訂言，老衲何與？大將軍見媼冷如冰雪，隨語決絕，則默不敢言。已而覘顏進曰：更容走卒一言。意薇、岑女、公子聞此，得毋不悅乎？媼曰：意薇、岑爲白倫日爾後人，聞背約人語，但知示罰，不審爲悲。至意計如何，我爲宗教中人，與世緣斷絕，每勸人以忠恕，惟遇失信之人，亦不能不加鄙薄。亡弟麾下固，有謀士親戚，亦斷不能聽彼受人侮辱，以我思之，或且訟諸王庭，坐足下以失信侮人之罪。復曰：吾女來矣。老衲可以閉口。時女扶羅斯款款

而進。女自受禮後。已去緇服。着淡藍之衣裳。以白紗之羃。白紗之薄。幾同欲消之曉霧。類畫家之掩映仙人。蓋意薇苓之美。固類安琪兒。特今日之純和。殊不及安琪兒之僂僂。而舉手足。既顛面容。慘白眼。眶微紅。知方搵淚。然沈肅之態。非復凡豔。意雖不平。仍力制使之勿擾。宜嗔宜喜之容。已臻極地。休鼓拉西。雖常見。意薇苓顧乃弗動。今日暴見玉容。而小說中所謂才子佳人之思。不期油然而生。大類今日一聆玉音。定此生憂樂之限。心思既窘。一見女前。卽屈其左膝。捧其皓腕而親之。以口放手之時。英雄難得之酸淚。已沾溼玉人之手。此時情不自禁。忽見姑氏仰屋而笑。則急止其悲。掬其真情。告女曰。女公子聽我此時當聞姑氏述大主教言鄙人長征之事。姑氏衍衍正言。初無增損。惟盛怒之下。下走何敢申辯。不審有何斷語。示及女公子者。適姑氏責我負義。違禮命毀婚約。試思身爲人類。昨日女公子錫我榮寵。胡能遽擲。非我自矜。果有人爭我此寵。我將竭其三日之筋力。持矛與鬪。用決勝負。吾所不惜。萬死以保全之者。但聞天人一歎。我當立卻不敢。更存希冀之心。今女公子果以

爲不可者請毀昨日之約聽有福者居之方欲言時防更淚下遂止勿聲意薇苓久無言姑氏卽進曰吾姪大將軍所言至公至平是英雄語知長征危險不欲拋爾青春允吾毀約以吾思之汝應謝大將軍優容尙何沈吟之有若吾者初無可否汝但與大主教商略取進止可也脫使老衲有言大主教弗諾更須詞費以大將軍所信信大主教也大將軍曰姑氏所言似吾用大主教爲翼衛以諱一身之失信媪言果誠者則良未審休鼓拉西之爲人意薇苓此時精神陡振面老衲曰姑氏面拉西曰將軍彼此勿爭轉傷交誼大將軍聽之難女受恩云如何報匪特生全且予榮寵女當日被圍曾向聖母立誓誰能見拯則終身之局聽拯我者主之聖母命彼拯我之人其人卽爲吾主迨聖母發遣大將軍則聖母之寵我已極大將軍卽進問曰女公子以我解圍之功用此爲報我胡克承老衲聞言贊曰此等詞令眞腦門貴族人語也此時卽以目示意薇苓令毀其約意薇苓以目注地自明其心兩者均無所聽徐曰大將軍當日解圍出我而大將軍復友吾父吾故以父禮事大將軍後此乃以

箕帚之役見屬吾自念身事大將軍尙足盡其中饋之職勿論成禮之遲速匪易我心且吾意尙謂爲禮少遲吾益得馴習其婦道亦以吾年嬌小未經閱歷若更後三年則禮事大將軍尤能中於儀節拉西聞言出不意悲不能止立跣於地稱曰仁慈隱惻天上之安琪兒下走義應遵循姑氏之言初不料仁人宏量覆幬下走至於此極今旣承厚義下走勿論在外在鄉必以所行所爲步步爲安琪兒地無敢欺罔以見鄙於安琪兒示我忠篤之心今請如約尊女公子爲聘妻而女公子之手仍在我掌握須知此舉自承惠諾無敢諄偪爲也今更奉女公子之手親之示爲遵循之券不知能假我否女曰可因出其玉手大將軍此時膽力大壯竟與親吻夫婦之禮旣成迴顧姑氏思以甘言媚此老衲因曰道人惟愛其姪女故以正言彈其老友今旣承賢女惠諾則方外之交仍可更續矣且吾甚望此行後捧此一朶名花受有道之人灌溉則老友所惠我者已厚媪大怒曰大將軍及吾姪女老衲詎能訓誨爾俗間富貴之人且吾言苟足傾聽卽續續言之果不吾許者吾何爲輕肆其言今老衲一

心專屬聖母姪女。須知吾爲若之故。已被長老責言。謂好與人間事。行爲不類。菴主後此。胡能更不直於長老姪女。苟無姻婚之約。則骨肉情深。胡敢不留。若爲威力。雄偉堂堂。男爵之夫人。則茅菴容藩。園外不能更容油壁。且舉菴之人。均聽我指麾。今輩行中。雜入一勳爵夫人。則老衲戒律。胡能施及貴胄。矧此菴中年少學子。孔多。尤不能居一懷遠傷春之少婦。亂我戒律。大將軍怒曰。我知爾利彼家產耳。一得主家於菴。主一無所利。故很很。至此外史氏曰。大將軍此言。鹵莽極矣。老衲之愛其姪女。初無成心。純乎爲義。而發不爲利也。前此羞怒。意微芥。遠背訓迪。故有激厲之言。今聞大將軍言立決。不與其事。因語大將軍曰。老衲雖貧。亦上帝之侍者。今爾作如是汚。蟻則當祈天恕爾罪戾矣。吾當祝爾至聖陵中。以功自贖。顧女曰。姪女。吾旣爲人所讖。此茅菴又胡能容汝者。尤知爾有祖姨爲爾骨肉。廣有家資。汝至其家。或無人謂彼窺伺。若產姑氏言終女色如死灰。大將軍曰。道人旣重拒其骨肉。吾亦不以女公子爲道人累。休鼓拉西家有六大堡。尤有遺產無數。安能以其聘妻。依人簷宇之。

下。求。庇。風。雨。卽。吾。部。下。健。兒。亦。足。供。禦。侮。奔。走。之。役。意。薇。苓。曰。夙。意。本。依。附。吾。姑。今。既。中。變。亦。不。更。求。戚。晚。卽。將。軍。所。云。大。堡。吾。亦。不。敢。涉。足。吾。身。既。與。祖。姨。絕。今。尙。有。一。人。其。力。足。爲。吾。輔。姑。氏。曰。然。則。王。后。耳。女。曰。非。也。天。后。耳。吾。堡。中。有。崇。奉。之。聖。母。當。威。而。司。人。圍。堡。時。竟。託。至。人。神。力。輔。吾。出。險。既。聖。母。之。婢。子。不。爲。親。屬。所。禮。則。仍。往。依。座。下。爲。當。老。衲。初。不。審。意。薇。苓。之。有。是。言。則。愧。不。可。止。然。猶。無。言。大。將。軍。曰。女。公。子。果。歸。舊。堡。與。威。而。司。邊。徼。接。壤。賊。更。大。舉。者。女。公。子。不。其。危。乎。意。薇。苓。曰。吾。堡。至。堅。經。數。困。咸。不。能。下。前。此。之。敗。蓋。老。父。允。其。野。戰。自。失。其。險。故。爾。今。請。將。軍。卽。麾。下。遣。一。謀。勇。之。人。爲。吾。堡。之。保。障。足。矣。語。至。此。姑。氏。起。立。曰。吾。有。清。課。遂。拂。袖。入。此。時。二。人。外。尙。有。羅。斯。以。二。人。方。爲。密。語。遂。卻。立。不。敢。近。二。人。商。略。久。彼。此。互。可。女。乃。謂。羅。斯。將。立。歸。堡。以。待。大。將。軍。語。時。意。態。頗。悅。豫。且。盛。稱。大。將。軍。之。仁。勇。羅。斯。曰。女。公。子。宜。語。正。事。三。年。之。別。人。以。爲。不。幸。者。女。公。子。意。若。展。此。三。年。之。限。耳。女。曰。吾。固。有。是。心。我。之。事。大。將。軍。初。無。所。悔。懼。惟。恨。閱。歷。未。深。或。至。謬。舛。且。當。時。祖。姨。家。見。鬼。

之狀。時時縈諸心坎。嗟夫。吾有二親屬。一以媚鬼而斬我。一以辭婚而斥我。我不幾爲人間無告人耶。惟吾年少。故臨事而懼。更三年者。吾二十矣。身旣長成。白倫日爾家人。無論男女。均有幹力。邇時吾幹力亦至。羅斯歎曰。想聖母右女公子。惟吾心終以辭婚爲正。或不致拋撇其青春也。

第二十章

大將軍旣定婚約。樂乃不翅。遂至達敏臥榻。醫生稱述病狀。力言速愈。大將軍命出資。施舍貧人。卽禮拜堂建道場祈福。後乃及大主教家。言將整兵南嚮。大主教悅。言將告之教皇。請行期合來去。並納之。三年限中。毋復濡爾。婚期。主教之意。亦用此媚大將軍。大將軍旣歸帳。自思瓦解之勢。竟成璧合。於是從者爲大將軍解衣。大將軍竟作雅謔。且賜以酒。帳下人咸駭悅。歌者微達而亦列諸校中。與大將軍爲禮。大將軍曰。吾今日乃無物賜爾。今吾欲睡。汝且坐而歌。明日當大賚爾。微達而曰。大將軍何復言賚。但得依卿月之光。已屬非分。後此但命吾事。吾必効忠。胡敢言賚。大將軍

曰。爪林。汝命帳外健兒。依前巡徼。汝卽宿衛於此。此間有熊皮。足以爲爾臥具。汝嗜睡耶。或嗜聞歌。吾聞爾頗善聆音也。外史氏曰。當時英國大將。每列帳野宿。或深居堡中。必以勇士爲衛。以備非常。爪林遂握刃於手。臥於熊皮之上。以耳聞歌。以目注微達。而微達而挾琴調其絃。問大將軍將理何曲。大將軍曰。汝試以美人貞操篇爲歌詞。遂欹枕而聽。微達而歌曰。女心如錐。割沙兮。潮乍生而沙平。蛛絲較其堅。韌兮。埃壘。權其重。輕絲也。斷矣。塵也。飛矣。女心無是安云。非侵晨一諾。晚來已。大將軍怒曰。如是俚曲。胡師所授。微達而曰。吾蓋從面目可憎之人名曰。閱。歷。卽是人。誨我者。大將軍曰。已矣。汝但能詼謔。安識婦人之心。詎爾輩中。獨無一人能辨婦人之有貞操者。微達而曰。有之。特不如前之所歌者爲切。旣大將軍欲聞之。吾卽爲奏。拉西點首。允之。倦而思臥。微達而遂述故事。爲婦人外遇。爲其外人冒險。忍恥罄產。以授而外人。卽其夫之從子也。大將軍惡聞其詞。而歌詞又至頑劣。因不更斥。遂昏然而寐。歌者亦漸漸思睡。琴與聲。忤若斷若續。已而寂然。亦睡於帳底。一手拊琴。一手下垂。

未幾輒醒引目四盼忽有人以手拊其背曰若役畢矣宜出微達而裹衣怏怏抱琴出。

第二十一章

凡人心之所思應輒成夢大將軍夢中卽幻其身爲所云外人之季父因大怒起坐後侍者進而着衣大將軍曰爪林汝曾聞雷氏之堡被圍時有勿來敏胖夫善於守禦者汝識其人乎爪林曰識之其人爲威而根弗蘭木克吾昨日尙見其人

大將軍曰。其人在是耶。爪林曰。然。彼來爲貿易來也。亦以視其女。大將軍曰。彼蓋勇者。爪林曰。此人守堡則佳。野戰則劬。大將軍曰。我尙聞其人至忠。爪林曰。其人之忠。亦荷蘭人之忠。因利判其忠奸。大將軍曰。爪林。汝趣以其人面我。爪林行後。大將軍命飭行具。少須見勿蘭木克白衣佩短刃入帳。大將軍麾列校曰。汝出。勿遠吾帳。惟來者余將與之作密語。列校旣出。大將軍曰。汝爲勿蘭木克乎。前此敵人攻堡。汝乃助守。深得爾力。勿蘭木克曰。此亦盡我所能。鄙人平日貿易。未敢有欺。大將軍曰。吾見爾智。

力頗偉。胡不舍爾所業爲高等事。勿蘭木克曰。去卑。卽高人意。所慕惟吾業。尙未落。若易業。較吾業佳者。吾始爲之。大將軍曰。吾意非命爾舍業。特有重事奉屬。似較爾業布爲佳。勿蘭木克曰。果大將軍有巨積之布及棉花。託我者。我必不負。大將軍大將軍曰。爾眞但知市井者。吾意欲令爾爲道勒拉司堡中監軍耳。勿蘭木克曰。大將軍。吾意初不嗜官。苟官者。直加豕以冠服。惟守堡之力尙可儕於恆人。大將軍上下視其人。則非武人之服。因曰。我良欲薦引爾功。且前功初未之錄。今意託汝以意。薇芩女公子命爾師保其人。勿蘭木克大驚。張目四盼曰。乃令下走保傳此貴族之女公子。此何語者。大將軍曰。我固屬爾。今女公子仍將居堡。吾故欲慎擇一監軍。又託之以師保。實則吾部曲中謀勇之夫。非寡。惟是種人好鬪而挑釁。將兆邊氛。否則今日赴較武之場。明日又大舉而行獵。卽並此而無。則縱酒爲樂。亦非所以處堡之常規。若足下者。吾久知之。但能自保。不欲挑邊。且爾種人初不嗜獵及酒。每事慎篤。況爾女羅斯卽爲女公子心腹。汝守外而女伺內。聲氣聯絡無間。吾實告汝。汝能如約。

者。吾歸時必重酬爾。勿蘭木克聞大將軍發語則甚駭。既而聞以女公子見託則夷猶不決。迨大將軍語既。勿蘭木克則引目視地。凝思久。始舉首語大將軍曰。吾亦不爲拳曲之語。請直告大將軍。大將軍之見託似非本之真誠。果出真誠者爲計左矣。大將軍不悅曰。吾計何左。汝試言之。勿蘭木克曰。此在他人受寵若驚。無不領諾。此事一委諸數小人可也。若貿易中人。果力不勝。卽有佳遇。亦不輕諾。而寡信。大將軍曰。汝力足勝。直不爲耳。汝乃以吾爲僞耶。勿蘭木克曰。以大將軍明見。詎以荷蘭一布買乃足爲大將軍宿衛已聘之夫人。試思夫人之堡地近邊。徼烽燧之生。不知所起。且人皆佻健。無復古風。試思以女公子爲絕代佳人。獨居此堡。以大勢度之。能否不生人覬覦。且豔曲藻詞。長日紛騰於門次。尤有梟俠之士。假託名義。謂以麗姝禁之。荒堡此事乃同生瘞。而況屬之荷蘭之儉。則挑釁之事。日將有聞。謂小人區區布買。能與爲敵耶。匪特力所不逮。將挑英國勇士。至與小人較武。救此美人。而此少年人。熱血其來如怒潮。吾安能於咄嗟之間。驅之出堡。彼卽遵率。吾言乎。大將軍曰。下

繩橋閉堡門。森布鹿角。卽有惡少。亦胡從入。勿蘭木克笑曰。似彼熱血少年。乃懼此區區設備耶。彼來卽奮其斬關殺將之能用。張其勇甯吾所敵。且彼人或外號爲鴈能游濠。而前鷹則跨城而入。雷則震壁而崩。種種名稱。令人望而沮喪。小人之力。又烏能者。大將軍曰。汝不有強弩飛礮耶。死之可爾。勿蘭木克曰。否。近有弄姿善口之女人。每遇較武之場。雖遠必蒞。脫以游說干女公子者。小人又將奈何。卽使外備嚴而內防亦潰。此尤非策。大將軍曰。嚴門禁耳。一橫木之功。蕩婦胡能窺足。勿蘭木克笑曰。然大將軍試思。一荷蘭布。賈下令曰。閉門。腦門。貴族下令曰。開門。大將軍決爲孰勝孰敗者。總言之如此。重任吾宜洗手而行。不敢與大將軍事。且以區區市儈司一少女。毋論堡中卽屏居天上。吾亦毋敢輕諾爲大將軍宿衛。筭此美人心。大將軍曰。汝所聞見之美人。直狂花弱柳耳。胡知貞人之操。我聞若女亦慎守閨範者。在汝亦當知之。勿蘭木克疾曰。其母則否。幸吾執法律。足以羈筭吾妻。若吾女者。則并法律。天理爲一故。尤得嚴約其人。今於吾權所能及之地。我承之。若委託之。任則事。

勢初不類此大將軍幸勿遠征慎守美人須知吾雖蒙昧愚者固有一得也大將軍家居既足筦其部曲尤能保其玉人吾不敢云大將軍去後女公子或有變節之時然在大將軍禁網必能曲承大將軍意爲人間賢婦大將軍聞言深以爲然因太息曰聖陵將奈何勿蘭木克曰孰失聖陵孰任恢復吾思臘丁希臘人既衰微如是與在二氏手中及付之外教其失敗初無判別吾歐長年濺無數精壯少年之血爭此朽壤直非計也大將軍曰汝言至近理若爲人所得則斥爾無完膚矣至吾已立誓永無反汗之時汝既謹慎如此則吾不能不覓一替人如汝者勿蘭木克曰吾敢云無第二人如大將軍親屬者大將軍曰汝云親屬若指吾從子蘭特而拉西者誠告汝其人初不足以託勿蘭木克曰吾意非屬此人此人爲大將軍近屬達敏拉西也大將軍聞言如受重螯則大愕因立定其神曰達敏者吾本令其代我整兵南向聖陵今則吾當自行醫言本宜以達敏取南方熱度用助其軀今忽謂大病之後必不能堪嗟夫神甫醫士之言能反覆顛倒令人莫測彼勿論作何等言均據勝着吾輩

與辯終不獲當達敏者吾固可信特恨其年少耳以外狀觀之似成小偶其迹乃涉微嫌勿蘭木克曰既大將軍顧慮滋深不如勿行爲當大將軍曰是胡可者勿蘭木克曰大將軍既行則大勢仍宜屬之少將軍其人忠厚沈篤天下大任甯託小獅不宜老狐年少固有過舉亦斷非夙心爲惡大將軍曰汝言良然汝爲人質實不欺如是則吾久宜問計於汝惟適所言汝幸勿洩然爾之爲人吾至愜汝汝何欲者趣見告或吾有以贊助於汝勿蘭木克曰吾無多求吾種人爾來漸多幸大將軍稍展拓其權利予我大將軍曰果爲事非難吾尙可踐諾勿蘭木克遂以所求之事啟之大將軍事固淺小然累求之乃不遽獲今則一一遂矣大將軍聽言後徑至達敏所居語達敏曰吾近將遠征吾家不能無人而聘妻尤不可不加衛護余思爾病新痊醫言不宜投身炎荒故以此奉屬達敏聞言大異心有所觸忸怩立形幸偃臥不爲大將軍所覺大將軍心緒騰湧寥寥數語卽已達敏聞言如在夢中雖心中尙欲有言顧乃無力將之出口後此欲力勸季父收其成命顧音吐絕輕而又不忍於是大將

軍。率。不。之。聞。司。各。德。曰。吾。聚。達。敏。前。後。答。其。季。父。之。言。總。而。書。之。其。言。乃。互。相。矛。盾。其。始。自。言。季。父。此。行。爲。國。家。之。榮。寵。亦。男。子。之。豪。概。義。當。從。行。既。又。曰。女。公。子。在。家。詎。能。無。護。吾。請。以。病。餘。之。血。爲。女。公。子。護。之。此。等。遁。詞。大。將。軍。竟。不。之。悟。以。爲。年。少。無。不。圖。取。功。名。然。以。吾。重。託。加。諸。其。身。凡。有。血。性。者。義。亦。當。盡。於。是。曲。諒。其。兒。謂。爲。吾。命。乃。舍。其。勳。業。弗。圖。滋。可。憫。也。遂。亦。微。笑。可。其。語。更。堅。囑。達。敏。以。慎。重。遂。出。造。意。薇。苓。告。以。達。敏。事。姑。氏。餘。怒。未。息。聞。言。不。置。可。否。然。尙。發。一。語。曰。老。衲。爲。教。門。中。人。初。不。一。與。外。事。惟。爲。少。年。女。子。保。護。在。義。宜。擇。老。成。大。將。軍。曰。義。固。屬。之。道。人。因。道。人。以。骨。肉。之。親。尙。不。之。顧。吾。亦。僅。能。託。之。吾。宗。達。敏。爲。年。固。少。其。沈。實。齋。亦。異。恆。人。但。言。武。功。已。超。英。產。意。薇。苓。聞。以。己。身。託。諸。達。敏。亦。大。以。爲。異。幸。大。將。軍。方。與。老。衲。言。不。爾。女。之。顏。色。亦。將。爲。大。將。軍。所。覺。方。其。語。時。羅。斯。亦。與。聞。其。事。見。女。公。子。變。色。則。僞。爲。理。其。面。髻。堅。握。女。手。俾。大。將。軍。發。問。乃。不。至。於。蒼。黃。意。薇。苓。受。握。精。神。立。復。乃。語。大。將。軍。曰。果。使。堡。中。有。難。吾。必。以。達。敏。至。堡。解。圍。惟。今。茲。尙。甯。貼。無。擾。卽。吾。

居堡雖寥寥數騎已足自固其圉且吾歸後必深居簡出苟非危難必不與少將軍晤對大將軍聞言釋然即令奴往送女公子歸堡然未行之先大將軍即引達敏拜意薇芩意薇芩不復正視但微矚之以愁病之故容乃清減達敏進謁狀至倉皇女之報禮亦頗踉蹌已而達敏曰吾願効忠翼衛令堡中無纖芥之驚擾意薇芩曰大將軍行後但乞少將軍少留意敵堡足矣他無所請於是意薇芩復與大將軍叙別雖女之風態依然大將軍亦卓然無動而兩心咸蓄悲惋大將軍曰三年之別於心滋戚果逾三年而仍弗歸則請女公子信我死耗更圖棲託之鄉鄙人死且不朽俄而大將軍登舟至弗蘭特與侯爵合兵乘風揚拉西大纛於船上直指天未成功之地夫以大將之勇及部曲之壯凡赴聖陵立功者實無此軍容之盛意薇芩既與姑氏冷淡爲別遂歸故居道中供張仍達敏爲之將護此遭舒暢平安兩臻其極特飲饌安息之地皆嚴肅初無乍來時之韻趣前此水邊林下陳氍毹而坐今則悉假富貴勳舊之家或清修之菴其狀大類有道女冠出遊非復貴家女公子之供具意薇

芩見狀頗怪其冷澀。自遠其嫌。既復自念達敏既爲護行。而晨夕胡以不面。亦知屢面近嫌爲非禮。然思卽衆中起居亦不大越於禮。此何傷者。行次苟有陳說。必以阿米洛忒取進。止其人爲部曲少年亦佳士也。行路冷落。女大覺其清寂無歡。非羅斯永日侍側。此行初無生趣。謂羅斯曰。達敏是我護行。其畏我乃同蛇蝎。羅斯狀如弗聞。女復言之。羅斯曰。此事達敏滋未爲過。凡司藏之吏不能常啓藏也。女大慚以器厚積其面。於是道中乃不更言達敏。後此見堡上塔尖。女不禁悲其亡父無敢更視鞭馬直趣門外。家衆駢立迎迓。女無言徑至禮拜堂。複室聖母象前長跽於地。言後此悠悠三年。尤願聖母施其恩覆。

第二十二章

女在堡中雖崇墉廣廈足以居盛美之人。然景至淒寂。凡已嫁之女僕屏不聽前侍側者。但有羅斯數人。堡中守衛或爲雷孟特。舊部或爲大將軍勁卒。均久戰於疆場者。城上瞭候日夕當意居中用事爲總紀綱。實則部署一切均陰稟神甫。號令神甫。

出身兵間。故技至癢。不能不加部勒。達敏所部。則屯札堡外數里。苟威而司人。廣隊進撲。則達敏立應。以狀觀之。堡外之備。殊嚴。堡中人苦趣。則有不堪言喻者矣。實則如此。妙齡棲身。枯堡針黹之外。意薇芩。但能引羅斯之手。卽城上游。觀受戍兵之敬禮。餘則微步庭中。家人咸脫冠致敬。若稍出堡外。則下繩橋。開壘步騎。雜踏爲事。至煩。女亦厭之。雖出行。但至勿蘭木克布廠。則警蹕已復。如是。若更至山隈水涯。行獵堡中人。數滋闕。老伍而必前。一日告達敏。以騎士擁護隘口。各置邏騎。偵備非常。有時女欲間出。不令人知。然一啟堡門。已見達敏騎卒四嚮分布。隱隱尙見達敏雞翹也。女因之滋懼。不復更出。至於終日沈沈。捱此青春。令帶斜陽。過去夜中神甫恆至。述故事以悅意。薇芩顧數見不鮮。聞之至倦。羅斯或進謳者。歌英雄兒女事。亦有歸自聖陵。至堡中求宿。則命述東方之事。用廓聞見。格林亦或引進貨郎入堡。沽其斷纜零素。至亦用爲閒中消遣。每日亦必至禮拜堂祈禱。女之居諸舍。厭倦外。無第二義矣。時堡中枯淡無聊。直類女冠道室。城上衛士矛戟森列。則又類守獄之夫。以

是之故。意薇芩風趣天成之玉人。竟易爲抑鬱幽憂之思婦。且時溫舊事如林屋。遇鬼沙場。哭父種種。悲梗震懼之事。日既有思。夜卽成夢。於是意薇芩處荆天棘地中。爲世界畸零之人。思及與大將軍定約。則又太息以爲盡分。性命旣見振於大將軍。則婚約亦宜確守。甚至盼及大將軍心。或中悔了此婚約。亦大佳事。此則意薇芩隱中之念慮。人亦無知之者。一日有盲彈詞人入堡。談格勒真侯故事。言亦長征。往取聖陵。而家中則已娶少婦。尋乃見俘千虜。得回中郡主釋之出囚。侯大感動。卽娶此郡主爲妻。教皇原其心迹。令二女同居。今則三人共瘞矣。故典旣陳。而堡中人評騭。乃不衷一是。神甫曰。決無其事。教皇萬不之允。意薇芩乳媪至慈善。聞回郡主私釋侯歸。侯家復有婦。如是兩難。竟爲侯涕泗交集。迨教皇允其同娶。則大悅。以爲新舊二婦咸得所歸。乃不問理之可否。格林曰。女子但得一夫。男子胡能雙娶。至忿忿不平。老伍而則曰。愚哉侯也。一婦已足了其生。胡乃兩耶。意薇芩怒曰。衆勿譁。潰羅斯汝爲斷之。羅斯大慙曰。茲事吾乃未及思。此以我言之。夫以女子甘爲半妻。此志烏

復可取意。薇芩曰：汝言良當。以我思之。歐洲之女。見夫別有所偶。法宜引退。何必干及。教皇出此媒瀆之語。女言之無心。羅斯竊念大將軍苟如是者。女公子決引退矣。然女平居雖極力自遣。而達敏風姿情慤。則刻未去懷。且達敏之名。日數聞之。而甲冑雞翹。又近在咫尺。又知達敏之心。悉力爲己。乃音塵初不相接。往來咸以使命。因是轉生怨望之心。恨其齷齪拘乎苛禮。惟其不見。而願見之心。乃愈迫。陡一憶及羅斯之言。則又大恨。以爲旁人不應疑我。至是且彼爲吾聘夫之從子。即使見之。於禮何損。矧其人又爲拯我於難之人。而吾左右使令。嚴約不令相見。乃大類東方宮禁之嚴密。而達敏稟白。又必假之使令。詎我有瘟病。足以傳染之耶。以我思之。即使相見。亦有禮防。如兄弟而人心疑駭。至此又何也。屢欲申其己意。示羅斯。顧一見羅斯。則訥訥不能出口。自念我固無他。彼一入耳。卽生無爲之波瀾。吾亦何爲與辯。今且將息度此虛寂之光陰。徒事呶呶於事。亦復無益。願雖排遣如此。而腦中來往者。達敏之風儀。仍切切記念。甚於其憶大將軍也。

第二十三章

一日爲西九月之秋晨。老伍而在鷹坊調鷹。且飼。且見羣鷹皆瘠損無復雄概。因斥其侶之怠忽。又咎築室之卑。風候之左。天氣之霏。故吾鷹始無振奮之態。方懊懷中。忽聞其妻格林語。老伍而大駭。以爲格林者憚於晨起。卽起亦不至此。格林曰。老伍而汝安在者。欲命爾時。必累人尋爾。爾始意得。老伍而曰。覓我何事。且爾何事。枵鳴如海鷗。爾聲中殆含毒氣。吾鷹聞之亦且成病。格林曰。外間有鸞鷹者至。吾堡正需是物。來鷹之鸞。視吾堡鷹爲良。老伍而曰。鸞鷹者恃爾傳言。則鷹之非鸞。可知。格林曰。吾知來鷹雖惡劣。然惡劣處良。不如爾。吾誠告爾。來者實奇。鷹翅巨如車輪。短喙作藍色。方欲更言。老伍而曰。止。勿詞費。老伍而雖斥其妻。然中心滋悅。故以厲色對之用泯。其迹徐曰。此鷹產自何嚮。格林曰。來自南部邁痕島。老伍而曰。此雖傳自婦人之口。或且其材良也。因而格格而笑。復正色面其妻曰。鷹人安在。格林曰。在內外堡門之間。老伍而曰。孰縱之入。格林曰。總管之令。總管方進余屋。命我告爾。老伍而

曰。總管。耶。吾。久。知。之。矣。彼。入。若。寢。室。乎。噫。彼。得。我。難。得。汝。易。耳。格。林。曰。吾。何。知。彼。之。疎。爾。而。稔。我。汝。趣。行。賣。鷹。者。不。能。久。伺。汝。彼。言。尙。有。貴。人。方。欲。得。鷹。而。架。語。已。立。奔。老。伍。而。曰。吾。至。矣。遂。近。堡。門。見。鷹。人。隨。一。健。僕。攜。三。籠。籠。各。一。鷹。老。伍。而。一。目。卽。知。爲。歐。西。奇。種。念。教。之。以。飛。撲。竄。取。之。長。卽。入。皇。帝。鷹。坊。亦。不。甚。愧。鷹。人。見。老。伍。而。則。盛。稱。其。鷹。之。駿。膺。博。而。神。王。但。觀。其。刷。羽。抖。身。魄。力。至。偉。須。知。欲。得。此。鷹。大。非。易。卽。臨。海。石。壁。上。探。其。巢。其。勢。至。險。是。間。所。產。鷹。較。諸。腦。威。邊。境。相。去。乃。未。遠。老。伍。而。如。不。之。聞。但。曰。鷹。友。吾。亦。善。相。鷹。者。若。鷹。吾。不。能。僞。斥。爲。劣。若。教。練。不。得。其。當。則。與。凡。種。何。別。鷹。人。曰。然。今。且。議。價。價。定。吾。當。試。之。果。非。佳。者。君。可。勿。購。果。使。吾。鷹。爲。凡。鳥。所。敗。則。吾。將。舍。業。弗。圖。老。伍。而。曰。若。言。甚。公。果。價。如。爾。言。則。此。貿。易。之。成。亦。易。鷹。人。曰。物。佳。始。稱。其。價。吾。自。島。上。來。時。共。得。鷹。六。卡。士。忒。則。盡。鬻。之。籠。空。而。囊。碩。所。剩。者。僅。此。三。鷹。吾。亦。不。爲。逾。分。之。獲。惟。求。得。知。鷹。之。人。卽。價。亦。非。所。計。老。伍。而。曰。價。仍。若。定。吾。女。堡。主。果。得。善。鷹。於。價。良。非。所。靳。吾。今。予。爾。一。比。商。可。歟。鷹。人。大。笑。曰。爾。乃。

輕我區區一比商何爲者。今汝倍之。吾卽推鷹與爾。老伍而曰。鷹果佳者。當予爾。以
一比商有半。然須得一鷺。鷹人曰。售矣。提籠沿貴家而去。亦惡其僕。僕今茲得價
足矣。爾胡不縶馬出試。吾鷹老伍而曰。當此九月。恐不得鷺。鷺若三月中。此鳥多也。
堡外有河。沿河可一英里。或且得之。鷹人曰。可。詎行者卽吾兩人已乎。爾堡中夫人
或女公子。得毋亦喜行獵。須知吾鷹卽貢之。王后爵夫人。亦不遽出。吾醜老伍而曰。
吾堡女公子。本極嗜此。乃自堡主見背。邈輒懣懣無主。長日寂居枯堡。猶老衲之處。
雲堂走馬行獵。久不事此矣。格林汝且往告女公子。取進止。吾觀女公子宜行樂。以
怡養其心。志不爾憂。能中人也。格林曰。可。今當爲女公子作時世之粧。便於御馬者。
必令觀者盛稱吾女公子之美麗。方格林語時。乃與鷹人作眉語。似甚稔。其人老伍
而則大疑。以爲乍見之人。胡親稔如是。更視鷹人。亦似相識。乃進與語曰。尊客似稔。
不審曾把握於何嚮。鷹人曰。吾貿易周歷四方。安必無萍水之合。此間恨無酒肆。不
爾宜各浮一大白。老伍而曰。試鷹後。再以酒杯相觸。爲歡噫。內中傳御人女公子行。

出矣。今日天氣清爽。微寒。薄暖。田間方聞打稻之聲。女公子出觀野趣。亦佳事。今日堡中知女公子不備遠出。故僕從殊寥寥。伴行者羅斯格林及兩男僕。挾繩及狗與獵具。老伍而及鷹人主僕。則各臂一鷹。鷹人詔老伍而以縱鷹之法。三人商定。則沿河行。注意河壩之水鳥。河上固有鷺鷥之窠。乃久行竟不一得。更行仍渺。衆皆微倦。天下行獵之人。果空無所得見者。將嗤鄙其劣。意薇芩尤悵悵。鷹人曰。是間太清寂。行兩英里。乃不得一鷺鷥。老伍而曰。均此荷蘭人織布。於是長日機聲軋軋。鳥始驚避。荷蘭人每至一地。卽大殺其風景。女公子能更行一英里。卽至紅湖。是間乃大有鷺鷥窟宅。羅斯曰。紅湖當過橋三英里。漸近山徑。此甯可往。且無護衛之人。吾意以不行爲上。老伍而曰。此又一荷蘭人殺風景者矣。荷蘭女娃視威而司人如鷹。已則如鳥。宜其懾也。意薇芩曰。老伍而言然。吾輩甯能如籠鳥。長日幽閉。弗出。今日亦當令我輕裝減從。一行如我少時之暢。遂今決赴紅湖矣。羅斯曰。果女公子必行者。吾當馳告吾父。吾父去此未遠。意薇芩曰。汝行亦佳。若待若父。徐徐撰甲跨巨象之馬。

出時吾已落紅湖久矣。既而曰：汝聞吾譏若父，又怒矣。然趣行，留其閒語之時，趨告若父於事，亦便。羅斯卽以馬赴勿蘭木克布廠，勿蘭木克聞女公子出，卽擐甲，選六七騎，馳赴女公子騎中。羅斯卽與同出。羅斯固善於推偪，然已後意薇苓半時許矣。意薇苓初不憚險，馬上輕逸如飛鳥之旋空。格林今日爲女公子植雞翹，飄飄動於微風之中。馬後則架鷹牽狗，密隨之。過橋後，路漸向山而趨。有時見童山，有時見短樹，鬚髻伏於地上，少須由崎而低，及一流泉之次，其勢如小羔跳躍，衝冒犯臥石而過。意薇苓謂格林曰：此泉爲余幼時間行之地。今日見我如臨貺，故人益形活潑。格林者，素行媚於女主，因曰：豈特泉石敬迓女公子而欣悅，卽少年英雄，苟瞻望顏，魚爲樂，當更甚於此。且今日女公子武裝，吾不知費幾許經營，始克成此。今果於馬上飄飄然見風神也。老伍而汝觀女公子粧飾，何如者？老伍而曰：吾不知其他，但知女人長舌足以驅遣吾鳥。汝今日果喋喋不已，當無得鳥之時。女公子請恭默婢僕，始不敢呶呶出其音吐。今且密密沿河行，鬆鷹眼之罩，以備縱撲沿河行，可一百餘碼。

萬聲皆寂。河身既轉，卽見紅湖。湖水滿時，奪壩而出，復作小河，宛延而去。此山中之湖也。周圍可一英里，水勢甚深，清狀作長方，迤西處有石崗突起，亂木之中作深紅色。陽光反射，墜影入湖，湖水半絳，故有紅湖之目。與石岡面者，有小山荆棘蓬蓬，雜以野芳，間出紅白。以小山面此石岡，紅綠駁色沿湖，有沙灘狹者，尙五六尺，用便馳馬之人。近石岡之下，亂石纍纍，亦不梗馬道。尙有數石距岸而沈，水亦有全身入水，騰出石面作小島形。老伍而目疾，見拳石之上，有一鷺鷥，以目視水，候魚蝦及小蛇之屬。老伍而與鷹人密謀，取鳥必俾女公子見之，生其悅懌。商略既竟，二人駕鷹嚮此石而前，鷺鷥知有人至，則張其兩翅，伸其長頸，二股向後，長鳴數聲，向山而去。鷹人立去，鷹翬長嘯，作氣縱鷹高翔，鷹一騰空，直追此鷺鷥。鷺鷥防鷹其飛，愈疾盤旋，向空而逝，防爲鷹得。且時以長頸後瞭，追鷹。鷹人更放一鷹，似示意助。取此鳥後盤之，鷹亦扶搖而上，三鳥咸入雲際，微微尙聞鷺鷥哀鳴之聲。觀者神色皆動，少須有一鷹直高出，鷺鷥之頂備下喙，其翅而鷺鷥已前備鷹喙，但及其長喙不能遽下。

鷹既失勢則翻身下墜而死老伍而笑曰此鷹死矣若餅乃酸不可食語時忽見後縱之鷹奮翅復仇此鷺鷥前備來鷹竟未防有敵之乘其後後鷹果禽其翅以爪搯其胸直自雲際下墜在勢獵者宜前趣助鷹成功衆皆馳馬向沙灘而前意薇苓精神勃發馬亦騰驤第一騎已及墜鷹之地此時鷹鷺方格鬪於河次在法獵人宜徑折鷺鷥之股或埋其長喙於沙中意薇苓平日慈仁至是亦下馬往撲此墜鳥方下馬時不期爲威而司人反翦於是草間出野人無數均挾巨斧長戟及弓矢之屬意薇苓大聲呼援則又操威而司語與野人言震之以威復折之以理然此野人咸若無覺女知縛人將圖重贖因曰汝能厚我則贖金亦必厚不爾當知守邊大將有達敏將軍者汝必無倖野人聞言似覺則以黑布蒙女眼復縛女手幸不急切意薇苓知野人意在贖金乃不至急如東溼縛已置之馬上向山而行女尙聞野人與追騎抵敵獵騎遙見女公子爲野人所得咸大震懼老伍而縱馬向敵顧未挾兵械但有短刀卽男僕亦無長械立爲野人所敗墜騎野人則痛笞之女僕四散取援獨格林

與鷹人距河墻大呼威而司人既斥追騎虛發數矢亦向山而去。

第二十四章

如前章所云劫質事似屬小說中常談。然在英國封建之時則確有其事。是時但以強力爲公道。即當時之人亦目爲恆事。初無震恐立死之禍。意薇岑自知身已爲俘。顧亦不懼。閉目中聞蹄聲至夥。懸知威而司強盜。初但步行。至是已登騎矣。威而司恆御小駒。不能爲戰馬。其行山路則平穩如履康莊。盜蹤之迅。雖以腦門人鐵騎亦莫之及。女眼雖無見。知馬已凌高而行。正於此時。忽聞有人操腦門語。問曰。意薇岑公子安乎。果有不能否。需我爲公子部署其事。女曰。汝觀我身。落盜手。尙款款語。此甯非調詼。果吾部下之人有開罪於爾。威而司人者。請爾明言。吾自引慝。若注意贖金者。吾將發令。令彼具金奉餉。幸勿以我爲俘於我。固害卽於爾。亦無所利。來人亦敬謹言曰。少須之。方省吾之宗旨。尙不止是。女曰。爾果知吾之世伐。加以凌虐。則後此之報。亦復奇酷。汝亦知吾保護之人。所樹何讎者。其人曰。知之。拉西旗也。吾初

不之怯。天下身爲健鷹矣。又奚懼鷹擊者。語後即聞啾啾有言。其初但有一人倡言。至是則羣商所趨地。羣聲既止。前人又曰。汝以爲蒙翳爾。目反翦爾。手防爾。遁逃耶。然吾之囚爾者。尙不恃此。吾今將寘爾密處。行旣不可。而且無傷。今追騎已及。今當閉爾幽邃地矣。女曰。爾勿與來兵接戰。請去我眼翳。與追兵語。果來者爲吾軍。則我爲爾搆和。省兩軍之流血。其人曰。我意殊厭言和。吾以百死得此至寶。乃爲人微震。卽張手而釋之耶。今請女公子下馬。若不能下者。吾爲女公子下之。語時女果覺有人扶而下之。坐之於地。少須有人去其冠。外衣亦卸。其操腦門人語者。請曰。此間有小洞。請女公子入之。吾意延女公子入此。於心滋不安。願事急亦無如何。女知與抗。無濟。乃如言入之。亦知威而司之。仇至切齒。苟不之聽。必且立殊。遂鞠躬入。可兩三碼。覺此洞中頗能坐立。惟平崎不一。行時且聞有人塞其洞口。似移大石之聲。而洞中清氣潮亦壅塞。土中潮溼之氣。中人欲噓已而微聞有甲馬騰奮聲。似援兵已至。並聞有被創號痛聲。以洞口已壅。初不清晰。隱隱如在空際。女知援兵大至。則力掙。

其縛。兩手均出繩外。更去眼鼻。則洞黑漆。似在壙中。以手捫壁。爲地無多。觸手得觸。體乃果知爲窀窆矣。此在平日。則大震而呼。今在難中。亦不之懾。心中自念。援師近在咫尺。遽卽生瘞於此耶。心思既窘。四捫無路可出。外間戰聲愈烈。似卽在墳上。而土屑時震而下。墜女復患壓於洞中。則尤駭慄。幸戰聲四趣。不專一地。遂少甦其恐。此時聲亦漸遠。漸沈。女知二者必有一敗。後此萬聲皆寂。女乃尤恐。知仇家已敗。若敵軍勝。則咄嗟間已發穴。出我今我軍雖勝。孤女窮閉穴中。又胡得出。若吾軍退。仇亦卽來取吾。則此身仍落賊手。復奚所益。不然亦閉氣死。於是間思及強死不期。大哭祈天。速殊爲得。女方凝思。速死之法。忽思腰間懸有匕首。果使顛頓。不可自聊。畢命此劍鋒上矣。旣而曰。吾有此匕首。詎無自脫之法。乃區區得死而已。因思更向來處。抉穴而出。於是蒲伏及於穴。次捫之。均巨石堵塞。以石勢論。在平時積疊。必無罅隙。可乘。今賊衆匆匆。塞竇而去。或尙得圖間而出。因以刀割土。推落小石。數方。竟有微光射入。光力旣入。空氣亦至。張目外盼。尙有巨石一方。堅塞洞口。不去。此石計

無能生。然空氣既入。而口鼻微覺。疎爽不至於死。冀有人過。此則大聲呼援。或可得援。既而大呼者。再竟無應者。大致洞外多疾傷垂死之人。女每一呼。但有微呻之聲。應之。女既累呼。似有人自暈中甦醒。言曰。天乎。胡爲地中。乃有聲響。詎吾命垂盡。窀窀。鬼聲殆邀吾往耶。女聞聲大悅。即曰。君所聞者。非鬼。乃薄命女子。意薇苓。白倫日爾也。因此地宮若上帝弗援。俄頃卽歸。長夜外人大咤曰。意薇苓。乃在此耶。此安有其事。吾目擊雞翹長帔。爲不列顛人。擁之馬上。而逃。吾方被創。注視。乃不能援。女曰。創者爲誰。雞翹長帔。果爲吾物。賊已得矣。賊中黠者。僞爲此狀。以寒我軍之心。不審我已窮閉於此。嗟夫。勇士果創臥於此。必須以人發穴救我。不然。賊騎更來。爾我咸斃。創人曰。謝聖母留我。餘生竟能授我職。應保護之人。吾本思求死。故不自吹。鬻築招援。兵反其追騎。救吾聽賊中將去。女公子今茲惟望其能聞吾聲。追騎立歸。使女公子平安無事於願足矣。此數語聲息雖微。然似力支其氣。於是鬻築聲起。頗微細。前騎莫聞。但有山谷迴音。相答。更發第二聲。較前爲烈。咄然中止。以吹者氣不能續。

也。意薇芩聞馨黛聲。大似拉西家法。則大聲問曰。將軍得毋爲吾家。達敏拉西耶。答曰。不肖罪宜萬死。不應誤信人言。竟離左右。致有此失。乃使保護之人。身受奇辱。嗟夫。達敏拉西。達敏拉西。負義辜恩。自忘職守。罪甯大辟。可已耶。意薇芩曰。將軍勿爾。乃愈傷難人之心。此禍良吾自肇。將軍固在在設防。吾特不關白。將軍遂至自陷。尙何言說。將軍此次果因我見創。則我罪愈重。今請問將軍。此創果中要害否。今勿多言。但力塞創口。俾勿流血。此血爲英國至寶。亦意薇芩之寶。及大將軍之寶。胡得聽彼溢。出語時。但聞達敏作呻吟聲。意薇芩出刃抉石。石逾弗動。乃小止。側耳聽達敏痛楚之聲。忽爾地力大震。馬蹄蹶踏而至。女自念此非援兵者。奈何。自念卽爲威而司人。苟得達敏。亦必爲醫。以取至重之贖金。賊利生不利。死也。第一騎至時。女卽呼援。卽聞勿蘭木克大聲咤異。此君生平初無此聲。女果辨爲勿蘭木克。卽就土中告之曰。丈勿恤我。先將護達敏將軍之創。於是勿蘭木克立爲達敏裹創。而部曲卽拾取不列顛人拋棄之木棒。抉石出。意薇芩大石旣動。衆聲大譁。樂乃無窮。似羣鳥得。

巢卽巢外飛翔不已。而石尙岌岌。幾欲內仆。衆力支之。女遂盈盈自穴中出。女出後。大石爲衆挾落深澗。羣石相觸。火光暴發。沙礫作聲。其狀至險怪。動目旣下。碎爲數方。大聲出於澗底。數里皆聞。女衣裳盡破。且汗髮亦弗整。氣促聲嘶。且用力挾石久。體亦羸罷。尙不自顧。立趨達敏之側。視其痍傷。以瘍醫之法包裹。防其復暈。則呼而醒之。吾書固言貴伐女子。例皆習醫。今茲乃悉力爲達敏施治。且女至聰慧。洞察受病之源。阨要而治。於是創人之患。遂立見其滅。羅斯見女。主人爲達敏裹創。爲狀甚褻。且礙禮防。遂進而助之。列校則折取樹幹及槍桿作山轎狀。昇達敏歸帳。

第二十五章

意薇苓被囚之地。爲小高原。夾於兩山之間。爲行旅休息之處。四圍均林木。便於行獵。當日有威而司大酋。性至嗜獵。而好客。曾於是間爲別墅。罷獵飲至。置酒高會。謳者爭美其人。然座皆酒徒。醉中竟以刃洞酋之胸。立死。酋死而部曲卽葬於意薇苓所居之洞中。其上加石爲高塔。卽以醉客之尸。陳諸塔上。自是以來相驚以鬼人跡。

莫至。別墅既圯。原亦垂平。而行者仍裹足不前。近年威而司強盜。知古人多殉葬之物。乃陰發其塚。入時初無殉物。則大悔恨。忽念地穴既鉅。用此爲瘞臟之地。亦佳。迨女既歸堡。從者卽以今日之事。告勿蘭木克言。今晨達敏將軍。令所部嚴裝。以村民肇亂。將往平之。忽爾變計。乃分數小隊入山偵探伏莽。此亦恆有之事。一則示武於敵。一則警盜使遠。而部曲則大疑。以爲整兵本遏亂胡。以星散作瞭偵之隊。日中時忽得一威而司人。問之方審意。薇苓女公子爲盜所得。因而力追。與賊大戰。此戰聲卽意。薇苓在洞中所聞者。達敏此來原無多騎。賊乃弗省。盜魁大震。遂瘞女於洞中。以冠帔加一嘍囉。用以愚敵。俾勿搜索得女。迨既瘞。欲逃或散。而四越。達敏馬迅。見雞翹翻。翻出於馬上。竟忘身未被甲。直入賊陣。因之中創。幾死。幸其部曲少爲裹之。威而司人雖少勝。則仍退防。爲大軍所襲。達敏見女公子被禽。乃不留一卒。驅令追襲賊。熟於山道。又小駟輕敏。窮追不得賊蹤。時時迴看重鎧之腦門人。則相顧而笑。迨見大隊踵至。始大悸亡魂。舍馬越林麓而去。移時已渺。然尙有三數人少後。遂爲

部伍所獲其中一人卽僞爲意薇苓者。旣得則一賊中之少年追者愕然卽齒之以刃。正於此時聞鑿築聲。荷蘭人匹馬先歸。衆咸知盜之來襲女公子。卽彼中魁蠹曰獨眼龍。多斐得得女。本求贖金而已。此語均荷蘭人及達敏部曲相證合而成者。旣至紅湖格林尙距是間。見女公子歸。則大悅。見達敏被創。則號咷而哭。言曰。鷹人亦爲大盜所得。吾及老伍而亦在囚數。以無餘馬見載。故留我二人。且老伍而卽虜。亦不得金。故倖留二命於此。語已整衣隨衆歸堡。時達敏臥矛桿樹幹之上。衆環衛女公子出山。入諸道洛勒司堡。

第二十六章

羅斯者。至忠於意薇苓者也。見意薇苓親調達敏於禮防。殊梗。則思以術解之。卽趨女馬前。欲問乃不能爲辭。見女顏色頓異。不敢質言。色旣慘白。尙有漬血蒙面之紗。亦雜土及血。髮旣四披。雞翹但餘其一。折而倒垂。此蓋非飾。若示人以奇辱。二目專注達敏。但防其死。羅斯見狀。防爲人腹誹。則深懷隱憂。顧女出自窀窞。爲狀亦類病。

作則勒馬與言曰女公子曾否襲我之衣女曰勿前擾我格林者專爲女公子司衣即曰女公子衣敝非所以壯觀瞻能否允我爲女公子整之意薇苓曰衣敝胡恤事尙有大於此者羅斯曰女公子不惜衣襦當惜禮防此病將軍宜思所以措置之者意薇苓大聲答曰以少將軍入堡羅斯曰婢子謂宜請將軍歸帳堡中非便意薇苓曰與其歸帳不如委之道路聽敵取之少將軍救我且三次矣我何往者少將軍亦何往少將軍弗甯吾奚甯者羅斯知不可挽因思當與老父謀之遂揮鞭前趣近勿蘭木克之前竟似入勿蘭木克巨影中因微語曰女公子欲以少將軍入堡吾思爲創甚劇爲日孔長父視此事當乎勿蘭木克曰於達敏良佳苟至堡中尙可得命羅斯曰父言良然於女公子如何者勿蘭木克曰若女公子在在申其禮防亦復何礙羅斯汝乃不能釋然於女公子耶羅斯曰人言可畏達敏少將軍及女公子均在盛年吾父能否拓我廠中之地較堡中爲佳勿蘭木克曰不可吾門安可令腦門及英人人之彼一入門恆鄙我寒儉且時時晒我女惟長侍女公子故人人無敢嗤鄙

老父則受辱數矣。彼恆言曰：荷人貪荷人，嬾此尙爲正言，非復鄙語。惟自守堡以後，遂不聞有無膽之言。羅斯曰：吾初以爲吾父見輕於人，父初不較耳。父今當知吾家良託人土宇，而大將軍待我亦厚，能恢吾之權利天下。負責者酬責受恩者報恩，公道也。今果能啟吾家之門，納病將軍，旣可以對大將軍，亦可以慰女公子。此千載一時之奇遇也。勿蘭木克曰：何地足名爲家？嗟夫，吾女，吾從宗國避水而來，此間大非樂土。主人一怒，立驅吾行，汝其知之乎？羅斯曰：吾父乃畏威而司寇賊我耶？勿蘭木克曰：吾豈畏獨眼龍者？汝長居堡，安審外間利害，吾決計避地，不居於此。羅斯曰：吾父生計佳，主人亦厚愛我，胡爲引去？勿蘭木克曰：吾方微得資，而人之伎我已踵接。後將置我於死，亦莫卜耳。英國中凡荷蘭人小封，均觸英人之怒，彼視我乃類猶太。我知堯克白里司討而之荷人，爲英人焚掠其家，辱及妻女，且身首弗保。然吾人至此，授以機杼教織，而仇我乃益甚。羅斯汝聽之，英之排荷風尙乃日急，吾之居此，少靖於他處，以荷人多，隱然爲敵國，故幸自保。顧雖如是，吾終怏怏，惟爾居堡中，吾審

其無禍。故亦少隱於是。不爾。吾決計行矣。胡待今日。羅斯聞言大異。計老父長於行賈。詎舍是間。別圖所業。移時復言曰。父懼英人。以兒計不如留少將軍於家。亦以抵制英人之具。果少將軍寓此。孰敢來犯吾家者。勿蘭木克如不聞。則直據其胸臆曰。吾尙有一言。思此十字軍之出。乃大無謂。大將軍之行。近三年矣。乃不聞生死勝敗之耗。當時之出。謂不得聖陵。劍不歸匣。其志趣至偉烈。然至今能據一小村舍。奚問聖陵。彼一身外出。所遺眷屬。日瀕於禍。而代者之人。尙威而峻刑。所部多缺望。而小民與邊吏素忤。今不得大將軍臨鎮。咸思蠢動。尤有失勢之貴人。潛與亂民合。而俾利。以大將軍尙遠略。而國中空乏之狀立見。凡人既窮。則弑父求金。亦忍爲之。吾生最患困於窮人之中。地果多窮。則亂兆已伏。此等語。爲羅斯生平所未聞。則聞而生慄。因曰。吾父聽之。吾身居白倫日爾及拉西威稜之下。亂事或不及我。勿蘭木克曰。白倫日爾。但餘其名。身後惟一弱女。拉西大將軍則遠征於外。從子達敏固勇。望淺資輕。無以懾衆。所部方怨望。謂此堅堡。何待吾戍。宿重兵於無用之地。舍榮寵之。

事弗爲實告。汝彼所謂榮寵。卽焚殺虜掠事也。部曲又曰。達敏未髻。丈夫也。旣髻。則大類一女子。數年以來。頰下黑而膽色白矣。此外尙有絮絮者。余亦不復殫述。羅斯曰。父趣言之。其事似涉吾女。公子勿蘭木克曰。然腦門中壯士被酒。恆言達敏近頗有意於其季父之聘妻。彼此固不覲面。然以左道之術相往還。羅斯曰。果往還者。或恃左道耳。吾晨夕女公子之側。動息不離。安有苟且之事。勿蘭木克曰。部曲言固如此。達敏似知女公子聲息。每有舉動。卽勒兵以待。堡中固未嘗通耗。此甯非前知。且每次達敏一部。勒其兵須斯女公子已出。此又何也。羅斯曰。此事卽女公子亦川爲疑駭。深不審其所以。然卽今日亦幸。達敏將軍夙備不爾。玉碎花殘矣。然將軍固善事女公子。乃初未交言。禮防至密。在理人或不疑。勿蘭木克曰。惟其避嫌疑。乃愈甚。部曲言曰。旣以從子事其叔母。胡不可相見之。有相距咫尺。初無交言。此又何語。是必有幽會之地。吾儕殊不之見。羅斯曰。吾父旣聞此謠。則將軍應宜吾父納之。於女公子始無嫌疑。父言果有弗便。但容一少年人及數幹僕。何至擾我。勿蘭木克曰。

彼可來。部曲必不可來。彼種人非喫肉飲酒。無以聊生。今卽如汝言。但容彼一侍者。及一軍醫足矣。餘人當盡屏却。羅斯曰。然則三人留此。父必容之矣。勿蘭木克他顧曰。汝意云然。吾不重斬汝。愛人而尙譽我。則謹小而慎微。嗟夫。羅斯羅斯爾惟愛好。而盡人之歡。受怨亦不翅矣。以汝步步爲女公子。地女公子必不以爾爲然。女公子固以豪俊自許焉。避小嫌而忘其報恩之事。司各德曰。勿蘭木克之言中也。羅斯走告意薇芩時。請以少將軍入布廠理創。意薇芩斥曰。止。將軍爲救我之人。我乃區區斬此堡門。天下誰則容我者。復曰。若勿爲我憂疑。寸心無媿。何恤人言。且我所行事。足對上帝也。羅斯無言。隨衆入堡。意薇芩令以達敏少將軍居其老父寢室。且修治從者之室。更拓廣廳。爲問疾者坐處。部署一切。悉皆老成。旣摒擋少將軍病榻後。始進而易衣。易衣後。入禮拜堂複室。酬謝聖母馬利亞。更乞上帝堅定其心。勿涉他念。祝曰。惟上帝知我。我每遇難。心旌輒搖。其不能自持處。幸上帝助我。以定力。勿以我感謝少將軍之心。使形迹頓忘。投於世網。須念弱女之身。蒙少將軍三番救我。恐感。

恩念切。將失禮。防維上帝鑒之。助之。遂誦經數遍。歸寢少息。

第二十七章

意薇芩歸易雅素之衣。不加盛飾。遂至病榻。視達敏去時。但挾羅斯格林二人。乳母馬格雷已遣之前。至意薇芩入時。微步而前。既入四矚。卽其亡父之正寢。飾終之後。初未窺涉其地。壁上尙懸甲盾及獵具。女覩物思親。因私祝曰。老父勿憂。若女必不令家聲玷墜。此時神甫及阿米洛忒咸坐榻次。見女公子入。咸起。神甫曰。吾已代敷其藥。今方睡行醒矣。阿米洛忒卽微語意薇芩曰。吾主將自格洛司忒大病後。每醒必作不經之狂嘖。不令旁人聞之。果知吾不爲白其心迹。行且大怒。以此之故。乞侍者勿駐是間。女卽令侍者及神甫諸人過別室。女則退立於二室之中。忽聞達敏醒。信口呼意薇芩不已。既醒。倉皇問曰。彼無恙耶。阿米洛忒曰。女公子神定體安。達敏長歎如釋重憂。既而曰。此爲何地。吾乃不辨其嚮。阿米洛忒曰。主將方苦熱。宜靜息。非語言之時。達敏曰。此地似非吾所應集之地。爾趣令吾部吹角擐甲上馬。命老而

夫庚微而以我大蠱出平叛亂。勿延晷刻。語時欲起。阿米洛忒抑之使臥。曰。主將亡。血體羸。胡能向敵。達敏知不能起。亦曰。汝言良然。吾大名既喪。留此軀殼。何益於世。乃以手扶頭而嚎。此非病創而嚎。心中焦煩。故成此狀。意薇苓欲前而却。乃不審其所以然。達敏已瞥見。則以手翳其目弗視。女進曰。少將軍胡爲如是悲慨。詎以將軍舍正事而拯我。因之中悔於心。達敏曰。否。女公子得安。福乃如天。我何有者。今茲亦不能言。爲時已促。吾將出矣。吾重事在躬。而堡中尤非宜處之地。阿米洛忒汝趣傳令集兵。女曰。不可。我爲爾保護之人。義不可行。且我方以醫自任。亦不能坐聽病人自戕其身。試問將軍。痍傷在體。甯可御馬。達敏曰。無馬可進。昇牀。令昇我無義寡信。喪名失節之匹夫。引而投之郊外可爾。雖然。昇牀亦費。惟以樁至爲佳。阿米洛忒我苟死者。勿加厚葬。藁葬如騶皂可耳。吾之衣衾。亦勿須藻績作靴釘形。亦毋須拉西氏徽章。樁車至時。亦不能載我武冠於其上。以醜我失機敗名之將領。女愕然不審所謂。左右視曰。少將軍狂易發耶。抑所言乃有他故。果有他故。請將軍質言以告我。

若我力尙能斡旋。決不使拯命之人。備諸苦惱。阿米洛忒搖首示意。似不能向病人質言之。意薇苓遂過別室。招手引阿米洛忒。阿米洛忒視其主將後。遂躡步出。阿米洛忒既至。女出餘人問狀。其意甚切。因曰。吾方任侍醫。在法宜得病人之事。此人既保護我。矧爲親屬。又爲援我之人。在義無親於是。究竟少將軍何咎。我能少助其人否。復頰其頰曰。果使少將軍祕事。能使我與聞。則請壯士告我。阿米洛忒嚙嚙不能出口。女力催之曰。壯士趣言。可勿疑滯。阿米洛忒曰。女公子之言。又安可背。惟吾不得主將之言。防爲所怒。顧亦知女公子爲吾主將重視之人。禮天之下。卽禮女公子。質言亦無梗於事。綜言之。性命幸全。而名聲塗地。或天心仁愛。能力援其人耳。語至此止。女曰。更言之。勿吝。阿米洛忒曰。茲事女公子其前聞之矣。西方方有亂事。外間有人言此亂實肇自蘭特而拉西。卽吾主將亦與聞其事。女駭曰。飛語如是。乃汚及善人乎。阿米洛忒曰。吾亦知其妄。顧亦不能使人勿信。矧吾部曲中罷戰久。則逃而降賊。以此益堅言者之信。此外尙有飛語。謂吾主將乘大將軍遠征。奄有其家產。迨

大將軍歸時救已無及。女曰：此等人以儉狷之心，疑及君子，果彼中有人，託彼以此。彼或爲之，以己之不直，而謂人皆然，宜達敏將軍之不理於口。然吾聞西方之亂，特潢池之師，何復猖獗至是？阿米洛忒曰：宵來得檄言賊勢蔓延，邊將溫洛克爲亂，民所圍在此十英里小村中。飛牒招我主將，今晨已上馬矣。邇時句忽止而不言。女曰：然則將軍以我被難，遂移兵見援耳。阿米洛忒以目視地曰：然非女公子之故，吾主將烏能蒙沮兵養寇之重？昔女頓足曰：天生吾身，竟用以苦此少將軍，何也？吾當時但謂以區區之命，足以致少將軍於死，不期乃並名節而淪之。嗟夫！壯士今將何術以脫此危難？壯士胡不以將軍部曲赴援？以少將軍大纛前趨，少將軍身雖不能奮飛而忠心耿耿，已及軍前矣。趣行趣行，勿誤師期。阿米洛忒曰：此堡奚託女公子？又奚託以我之意？固以主將名譽爲急，而主將心迹吾亦知之。若吾妄意出師，此堡果有不然之事，則吾胸臆將聽主將入以匕首。女曰：今事急矣，壯士趣出城援師，胡可緩也？阿米洛忒曰：卽無女公子鞭策，吾亦奔赴。兵聞吾哀，主將見汚，非張此大纛而

前主將之心。胡由自白。女曰。既如是者。請壯士擐甲。能以功滌少將軍之污。功成而歸。吾謹爲壯士卸甲。今請以我牟尼之珠。加壯士武冠之上。此珠吾恆以記誦經之數。今贈壯士。則聖母在天。必加呵護。女語已。而阿米洛忒已出堡。俄頃間得騎士四十。騎士雖集。聞主者乃阿米洛忒。則皆怏怏以爲乳臭之兒。胡能部勒勇士。而大將軍部曲。則曰。吾降格隸達敏。已不得意。今以孺子將我耶。白倫日爾舊部亦曰。女公子脫身虎口。喘息甫定。乃欲罄其堡中健卒。赴人不急之難。以自墜其長城。騎士旣宣言。衆志遂懈。阿米洛忒初聞騎士已集。則入而擐甲。出時見衆騎咸落落作蹙態。至有肆詈不受令者。老而夫庚微而一手執纜。一手引纛。尙卷而不揚。阿米洛忒怒曰。庚微而胡不揚纛而出。噉噉胡爲庚微而徐曰。我固未前。以我心惜此纛。初未落人之手。今衆心皆懈。誰能保衛此纛者。餘人亦曰。今日決不行。此纛亦必不揚而向敵。阿米洛忒按劍曰。若輩叛乎。庚微而曰。孺子勿躁。且以刀向我。我若出刀者。直同打稻。汝且立盡我輩身。經百戰。今乃以孺子冒臨。吾上老夫。初無成心。卽二三孺子。

將我亦甘受。然不省主將之意。云何即我進而撲敵。尙或逢彼之怒。未可知也。

言意

達敏
通賊

不爾。今晨攀鞍矣。胡又不前。阿米洛忒曰。爾乃不審所以不行之故耶。庚微而

曰。知之。即使不知臆度。亦得其故。於是大笑和者。幾於哄堂。阿米洛忒大怒曰。爾輩
恣口污人。我將納爾胡言於頸頸之下矣。遂拔刀前趣。庚微而不動聲色。以大纛之
桿微觸阿米洛忒。顧已顛頓。欲撲衆復大笑。阿米洛忒羞憤無地。擲劍免胄而哭。告
意薇芩曰。事已至此。無膽之夫。盡叛抗不欲出。主將名譽墜地盡矣。意薇芩曰。否。吾
以死爭之。阿米洛忒且隨我出而誓衆。遂被紅帔。挾羅斯格林出面。諸騎出時。眼
赤筋暴。神威凜然。似較平日之軀幹爲高。其聲清勁。初不類閨秀之音。吐衆方散處。
乃羣躋而立。防獨立爲女公子。指目爲叛首。意薇芩曰。諸列校之意云何。詎以大將
軍長征。少將軍臥病。汝輩可乘機叛耶。爾輩當日矢誓何爲。又何以累得大將軍賜
賚。今乃大類獵狗。不面獵人。卽爾懈惰。竊爲諸將恥之。衆相顧無聲。後乃私謂宜聽
號令。女曰。吾知之矣。汝殆謂軍無主將。進撲不力。今吾當戎服御事。吾身爲白倫日

爾家人烏能以纖弱之身怯死如汝輩汝今引我之馬加以鐵甲趣行之語時拾阿米洛忒所拋棄之胄及劍取而佩戴曰吾引汝輩往平禍亂惟吾未履行陣凡陣上事宜卽以庚微而爲表率此人累在兵間人當帖伏庚微而自笑吾殺敵固多然實未受娘子軍號令女曰然則汝亦違令矣以階級言我爲爾主以社會交際言則爾當敬我烏能以我文弱之女子干爾行軍爾乃弗聽爾今揚其微開壁出庚微而鞠躬曰我願行勿靳女公子當仍以阿米洛忒爲將吾請贊助其人但未審主將之意何屬且女公子命我曾否洞彼機宜意薇苓曰我言乃亦誤乎今邊將溫洛克見困於賊吾悉兵救於義爲當何言未協機宜庚微而尙夷猶曰我聞達敏將軍頗心右叛人似有信誓且與溫洛克爲一女子至於憤爭果使達敏將軍疾問知我輩仇其所親則吾罪甯足誅耶女大驚曰汝輩當審黑白達敏將軍固愍小民今蠢動擾邊安能不申撻伐汝輩趣上馬赴援晷刻之間存亡所屬胡可遲遲今我請以性命財產付爾力保將軍初無後言庚微而曰達敏將軍意女公子固灼知之卽使拂意得

女公子一言亦將易其成。見今我行矣。以理度之。勢尙能及。以溫洛克之爲人。能死戰不卻。幸女公子居堡。此責屬之。阿米洛忒及老兵可爾。因曰。孺子主將。爾今統我輩矣。意薇苓去。胃及劍還。阿米洛忒臨行尙勉勵之。曰。衆方侮爾。爾當勿恤。以赴難爲先。庚微而徐徐啟。蠶雖重甲在身。但以蠶脚輕點於地。已超上馬背。旣登卽曰。主將。吾輩已夙戒。候將軍發令。復語其鄰騎。司蒂芬曰。達敏忘其季父之恩。當少恕之。竊指意薇苓曰。此美人。吾爲之死甘也。吾乃不審女貌。及其芳年。雖纖小稚弱。而吾輩丈夫咸悉心爲用。彼輩年稚。竟以巧笑微顰。偪我不得不爲所役。迨其中年。則饋問加禮。紅酒黃金。而男子復入其彀矣。迨老則皺面嚮人。不堪其噉。苟有事見。干則惟有趣爲之。了。逃去此面目而已。噫。爲時已暮。吾當趣行。不爾亂民。且蔓延不可收拾。司蒂芬曰。行也。惟此孺子主將。胡以不爲前鋒。庚微而曰。孺子爲我推翻頭眩。必未愈。或眼淚猶瑩於睫。故遲遲耳。顧此子年事未多。而功名之心尙勵。苟可圖功。尙能迸命。今前導已行。吾輩當趣馬隨之。惟今日之事。亦足奇駭。似我鬢鬢。乃受令於

孺子而此孺子復受命於鬪人殊可笑也。司蒂芬曰：達敏將軍受號令於美人而吾輩則處達敏將軍威稜之下，僅能噤聲行事。他尚何言？庚微而曰：口固噤也，眼則須張。此時已出堡門，向荒村而進。阿米洛忒獨馬爲導，則怏怏思及衆中爲庚微而所辱，又思少不更事，法宜問彼老輩。今旣爲彼輕蟻，則憚於發吻。顧庚微而之爲人，尙倜儻無齷齪氣趣。馬向阿米洛忒爲禮，言曰：以吾觀之，似宜先遣數騎往偵消息。我軍之至，及時與否？阿米洛忒曰：以我思之，此兵符宜老將握之，以老將在兵間久，洞識機宜，或不爲賊得。且老將旣已，句復曰：我亦弗咎老將矣。庚微而曰：爾前此謂我開罪於爾，逗遛弗進，故推兵柄與我，實則區區小嫌，遂誤大事。今爾我言歸於好，可爾。阿米洛忒曰：和者我所至願。今且遣二騎先出偵之。庚微而曰：果行，必遣司蒂芬引大將軍步曲二人同行。司蒂芬之爲人，謹慎無倫，必不疎略，以取殃咎。阿米洛忒果如言，遣司蒂芬以二騎出。三人旣行，庚微而曰：今吾二人合矣。請問足下吾堡中女公子與少將軍曾否有幽會之事？阿米洛忒憤曰：安有是事？甯汚蟻正人，至是女

公子與大將軍固有成約。守貞至死。亦不自污。且吾主將君子也。又安有是。剛在堡中。吾已微聞爾言。後此幸勿輕發。老將甯不知二人者。初不相見。何由有幽媾事。庚微而曰。我固不卽信。卽爾亦何能據而不疑。汝且仔細觀之。警司確之人。水之狂奔。日夜不已。而問之司確者。初不能知也。是必私使傳書。此事汝必不能爲諱。阿米洛忒曰。我決不承。凡有關於二人之名譽者。吾皆不承。庚微而曰。女公子偶有動作。達敏何由遽知。但以侵晨之事而論。心動神知。此足爲據矣。阿米洛忒曰。吾安足知。或且天使隱於雲半。凡全福之人。使者皆爲之用。想彼女公子之爲人。或能感動天心。神爲之使。正未可料。庚微而大笑曰。汝大能爲人藏拙。詞令亦至諧婉。然欲以是欺我老兵。正爾難事。汝不信人而言天。我亦深思。惟神道方能爲彼撮合耳。阿米洛忒方欲置對。見司蒂芬及其二騎已狂奔而前。曰。溫洛克勇甚。然亂民攻之甚力。溫洛克殆死守以待振。吾軍宜趣行。少濡必不能支。吾歸時爲勢殊岌岌也。於是衆騎突前。有數騎登阜而望。聞亂民狂喊之聲。如蠶之午衙。奪取木柵。矢石無憚。阿米洛忒

曰行尙可及。庚微而先揚其纛。令溫洛克見之。吾馬且少息。以備突陣。庚微而試思。吾卽在此間縱馬。向彼間黃犢行牧處衝入。不甯佳耶。庚微而曰。可。庚微而者。老於行陣。一聞鬻策之聲。則精神立奮。言曰。正於是間衝陣。可以攻其要害。阿米洛忒曰。亂民之多。乃同陰霾。吾騎突入。予之日光。不亦可耶。庚微而汝不觀被圍之人。已舉徽。知吾軍至矣。庚微而曰。降旂也。阿米洛忒曰。彼知我軍已至。胡以猝降。語時聞圍中吹乞降之笳。亂民大譁相賀。庚微而曰。溫洛忒之旗下矣。亂民突圍城入矣。是中必有內變。今吾輩將何策以救之。阿米洛忒曰。吾輩趣入。恢復其村。出俘虜。庚微而曰。以我思之。容馬之地。亦不當前。試問吾衆焉能敵彼。前之銳往者。冀內外夾攻也。今內兵旣殞。吾行適以自殊。阿米洛忒曰。汝姑隨我數武。亦佳。或出別徑。爲亂兵所不覺。阨而取之。庚微而遂與阿米洛忒並騎登高原下觀。阿米洛忒曰。乘賊未見。尙足突陣。庚微而曰。汝言不見我兵耶。彼固已見之矣。不覘有匹馬向吾而趨耶。語時果見一騎。其人爲村人之服。冠藍色之冠。赤髮被其頭。冠不能束。手中有血。腰下佩

囊中血亦沁出。言曰：汝爲達敏拉西部曲乎？二人皆曰：然。村人曰：吾民黨之魁曰鶴伯，命我問訊達敏將軍。我亦知將軍心右民黨，今茲以仇人之頭爲禮。上將軍因自囊中出鬚髮模糊之髑髏獻之。二騎庚微而曰：此溫洛克首也。二目尙猶視。村人曰：此君後此將不能更視女耶？吾已療其疾矣。阿米洛忒曰：汝殺將軍耶？村人曰：然。我爲民黨中士師，亦無官伐，足以自表。庚微而曰：伍伯非士師也。村人曰：爾尊我伍伯者，卽爲伍伯。阿米洛忒怒曰：罪虜囊中髑髏何人，令爾將來者？汝卽歸餉其人。幸爾此時之來，預言爲使，不爾汝胸臆洞矣。庚微而我以人歸矣。留此胡濟，村人大駭。納首於囊，怏怏以馬歸村。庚微而歎曰：天下好色之夫，收場滋可畏也。前此達敏因鶴伯之女與溫洛克有違言而亂，民卽謂達敏將軍一心嚮彼，賊意尙然而旁觀之。口胡能遽塞卽吾輩今日之役，亦不能自辯被污至矣。遂以軍歸堡，騎中亦有以馬瘖之故，落後不前，亦有乘亂民之勝，因之擄掠。於是賊勢逾大。阿米洛忒歸時，先視主將爲狀尙劇。女公子雖極疲憊，尙無寐。待兵間消息，阿米洛忒遂以軍狀語女公。

子意薇苓聞言歎曰。神當憐我。我週身如蘊蘼病。近我者皆無倖。凡人助我。宜得佳名者。均敗名失節而去。阿米洛忒曰。女公子勿悲戚。主將部曲。尙有其人。足以平亂。今當以明日請命於主將。即以兵出。平此亂民。女公子曰。壯士尙未知惡消息至也。壯士去後。有人言達敏將軍部曲。聞將軍被創。且訛傳爲物化。已呼嘯而散。惟壯士亦勿憂擾。吾堡至堅。歷巨變無數。幸皆得全。卽人人叛亂而去。而我意薇苓白倫日爾尙有餘地。以處將軍壯士息矣。

第二十八章

前章所叙不幸事。與達敏關係滋重。則不能不使達敏知之。於是意薇苓自往陳說。忍淚而言。有時自拭其淚。故以溫語慰達敏。方其言時。達敏瞠而無聞。意薇苓語竟。達敏仍瞠不語。意薇苓起而欲行。達敏始曰。女公子且少止。適所言足以碎吾之心。吾季父以重要屬我。及我一家之勇名。至是隳矣。惟吾見女公子之面。及聞女公子之音。知女公子幸平安耳。今別無他求。但乞送我歸帳。吾污賤已極。胡能妄處帡幪。

之下。一身既不能以刀自衛其名。而所部復星散都盡。奈何。意薇苓曰。將軍處危難。中尚以我爲念。且我知將軍之創本爲我也。我詎以將軍負創之身。置之堡外。無恤。達敏將軍。今且勿言歸帳事。吾堡有一區之屋。不落賊手。此一區卽爲將軍養疴之地。匪特我意云然。卽大將軍在者。亦正如是。部署達敏聞大將軍名。如中巨矛。連語吾父。引首面內力搖其軀。似慚愧。至於萬狀。少須略靖。言曰。果吾季父在。是匪特置我堡外。且將填之。河隍女且起。且言曰。將軍勿作是想。防季父罪責。今且甯靜衛攝。愈後當立平此亂。詎待大將軍歸朝耶。意薇苓語及大將軍二頰。均絳翻然。遽入。旣入。盡遣女侍。特留羅斯。問曰。汝至有見。今我處此危地。將何以自處。羅斯曰。上策在勿迎達敏將軍。今不復及矣。次當送將軍於堡外。否則長留將軍於此。於名譽亦未有失。女大駭曰。何爲長留將軍。羅斯曰。今且問大將軍南征幾時矣。意薇苓曰。待克來門德節日。交三年矣。汝問是何爲者。羅斯曰。無之特。句意薇苓曰。何爲言特。趣畢。其說羅斯曰。特數禮拜後。女公子可自由更擇所偶矣。意薇苓憤然起立曰。詎人生。

婚姻直同市儈。大將軍南征，吾終未得其消息。但知不能戰勝，撒拉定恢復聖陵，脫使逾數日，遄歸者以兵間弗利，整旅言旋，見所屬之地亂，所部之人散。至於最信之聘妻，竟屬之猶子。試問人生至此，何味！卽我亦胡以自面。大將軍汝所言，殆以我爲龍巴地商人，行質押事，逾期不贖，卽爾拍賣。羅斯曰：在吾國中，能如合同行事，則不能斥爲無信。意薇苓曰：此殆荷蘭俗，尙若吾腦門人，當無此狙儉之事。須知女子所貴，卽在守貞。詎張目視，歷日以爲屆時，可以更嫁耶？試問吾人也，非物產也，詎能以馬吉而節之前後，爲去留之券。羅斯聽之，吾所定婚約，蓋聖母鑒臨其上，無能遁也。羅斯曰：茲固見女公子之貞操，以我思之，女公子身處萬棘之中，讒口鑠金，飛語交至，吾意良愛公子，甚欲得一保護之人，爲女公子終身之託。意薇苓曰：幸勿見愛我，非蕩婦懷春，爲殘聲過枝之曳。羅斯曰：諾，惟尙有一語，足以奉白。試問女公子，胡以必留少將軍，縱不在堡中，亦未必遽蹈不測一城之隔，甯搆非福。吾意不如敬遣少將軍，我主僕二人，靜居此堡，以待大將軍不甯可耶？意薇苓太息，以目視地，久方欲

發言。忽聞堡外笳聲大作。老伍而汙被其頰。蹙而趨入曰。堡外有一將軍奉天使。及羽林數騎。言秉王命將入堡。女沈吟曰。卽云天使亦宜問狀。方許其入。今少須。吾當憑城一問使者。羅斯趣取面竊已而曰。笳聲復動。趣行勿遲。女方出門。阿米洛忒徑至。狀至憂擾。亡失壯士面目。一見意薇芩。卽長跽曰。女公子幸救主人。意薇芩曰。何事至此。上帝知我。果彼人有險。吾胡敢坐視。尙有一語已至。唇際立縮。而入。阿米洛忒曰。今孟塞爾默及天使已臨堡外。彼與拉西氏爲世仇。此來決無佳兆。至於使者奉勅。不知何爲。吾決知其非福。吾主將曾殺彼一姪。在於較藝場中。語至此。笳聲復大動。意薇芩卽至門次。啟小竈。司閤者驚慄無人色。見女至。似已得主。時門外孟塞爾默躬擐甲冑。面具已啟。鬚皆蒼白。其次一人卽爲天使。衣繡衣。示來自王庭。面上作怒色。馬後有羽士宿衛五十騎。及女啟小門。馬上壯士略與爲禮。言曰。來者其雷孟特。白倫日爾女乎。意薇芩曰。然。壯士曰。白倫日爾家世篤忠貞。今天使至門。胡不啓關爲禮。意薇芩曰。將軍當知孤女所處地位。當加原宥。吾爲無人保護之孤兒。又

獨居邊徼之地。凡有人來。必問其原委。始敢啓關。孟塞爾默曰。王知亂民不靖。吾以兵至。爲爾守堡。旣足以臨邊民。又可鎮遏威而司人。女公子趣啓關納天使。意薇芩曰。此堡爲英王土地。在理又爲吾先祖藩封。仍歸吾守。今堡中人馬至足。無待天兵。王固念及孤兒。然主客勢殊。諸多窒礙。且此等人。易於恃勢凌人。吾力不能禁勒。孟塞爾默曰。吾固謂女公子之不悅。別有他故。初不在此區區者。以女公子閉關不納。已爲抗旨。然王念先勳。或不加女公子以重譴。今旣如是。老夫知堡中有達敏拉西者。煽攪平民。爲亂事。坐視同官之死。賊手今達敏聞在堡中。果使女公子納此叛將。則趣出之。始無抗旨之罪。老夫尙足爲女公子道地。意薇芩曰。將軍白倫日爾家。無不臣之事。責我以不臣。卽爲謬語。至達敏將軍。方被重創。不爾亦能自全其令名。今所居地。爲彼季父聘妻之家。非逃人也。我有地主之義。不能違義徑出此人。矧將軍爲彼私仇。胡能付汝左右。閉此堡門。非得吾令。不啟關也。語已。鐵柵立下。孟塞爾默大怒。斥曰。爾不值一錢之女子。因迴面使者曰。此事天使固聞之。言達敏叛人實處。

堡中下官告以國法。使出叛人。乃公然與天使抗。今請天使申討其罪。天使卽縱馬近堡。言曰。意薇芩白倫日爾不納皇家遣戍之兵。又深匿叛人弗出。厥罪大矣。今意薇芩公然叛逆如此。凡脅從之人。罪與同科。天使語已。笳聲五十。皆動。巢鳥均震。而噪。堡中人人沮喪。莫知所云。孟塞日爾迴馬時。高揚其矛曰。吾第二次至此者。當實行王之詔旨。意薇芩見孟塞爾默行。卽自念大局決裂。至是我將何以處此。忽聞一荷蘭人微語一英人曰。適天使言叛人。叛人何指者。答曰。叛者賣國之謂。凡人受人顧託。而背其約。亦名爲叛。此語一發。意薇芩忽念及鬼語。鬼言吾未嫁而贅。既嫁還。妹指其未成禮也。又言吾叛。吾閉門拒使。甯非叛耶。第吾受人欺。不審欺。我將如何。惟以上皆驗。後此亦不能無驗。又將奈何。

第二十九章

如是者可三閱月。堡中事多如蝨。然尤有巨禍胎乎其後。乃無人覺者。今吾書如展畫。當另換一粉本。娛人矣。去堡十二英里。有荒原一片。夏中熱日炙地如焚。萬聲皆

寂但有垂坍之村舍數區。渺無人居。有二旅人。衣香客之衣。執高杖。戴廣簷之冠。肩
上。紉紅布十字架。足見此二人踐誓朝陵事竣。遄歸而旅人目中所接。均殘敗之狀。
尙有數處殘齧橫陳。亦有經於樹上者。生物初無一覩。但有野獸。時時出沒於無人
之墟。耳中恆聞烏鴉飽食殘尸。食已作哢逆聲。尤有喪家之狗。忍飢嗥吠。初無昇平
時漁唱樵歌及耕夫叱犢之聲。二人行次。初不交語。中有侏者稍前。似教士新誦經
於尸旁而歸。初無輿致。行經高墩之上。此墩卽不列顛當日葬其巨酋之地。其上恆
寘石槲。自撒克遜人規取此地。則盡毀其槲。意取藏耶。或爲復仇。則不可知矣。槲之
上蓋已斷爲兩。斷處攢以莓苔。然此槲之不完。亦不自今始。其旁臃腫之橡樹。偃臥
墳上。厥狀如僵。侏者曰。爪林。此其不列顛種人墳矣。吾不嘗約在是。候取前偵者之
報言耶。然所過均似被兵。此又何故。爪林曰。是必不列顛人蠢動。所以至是。此間有
撒克遜人戰死之尸。此侏者卽大將軍也。聞言迴面觀之。見草間果有腐尸。大將軍
固已經尸側而過。以草深尸隱。瞥而不見。此時見尸。着革衫。則知爲英之農人。以面

撲地背上尙着一矢。爪林見慣，初不覺異。則徐拔其矢。大將軍索而觀之，言曰：「爪林汝誤矣。此矢汝云威而司人所發，今覘之則腦門人所射者。腦門人乃射死英人耶？」爪林曰：「是必逃兵從賊，故從而討之。」大將軍曰：「其事似實，而吾意尤疑。邊將不睦，因而致鬪，威而司人之亂，特村莊焚掠而已。以今卜之，似堡中亦瀕危候。惟道洛勒司堡不審如何，深願上帝佑我前值之人將得好消息，援予也。」爪林曰：「亞孟惟微達而之奉使，又安得佳消息者？」大將軍曰：「爪林胡爲媚嫉其人？微達而之事我，至忠戰時勇困時忍，侍我初未有過。爪林何爲嫉之？」爪林曰：「此亦近似，似能爲大將軍効其微勞。然吾意決言必無利於大將軍。」大將軍曰：「吾終不審汝用意所在，是人究何罅隙爲若所得？」爪林曰：「未也。惟若有鬼神來告云：是宵童子第一次見蛇，初不料其能螫顧，未嘗一親其身。如平時撲蝶，我之不直微達而正與此同科。彼乘人不見，則往往作狼顧，此尙可恕。惟無因而強笑，則吾滋恨之。因憶猶太中有生物欲噬人，則必先笑而後撲。大將軍曰：「爪林汝隨地奮不顧身，勇士也。惟心氣未能和平，乃爲全才。」

之累其人果宵人者吾當時落水彼乃舍命拯我此甯非忠後此潛過威而司界亦彼以祕計脫我不爾仇讐相見胡可得生爪林曰此着良是彼見我過威而司時令我去進香之服彼爲我舌人以此得脫不爲無功然我每有問彼終不言是又何理大將軍曰彼果有異圖者微與威而司語我立齏粉外此尙復奚語爪林曰大將軍令我勿言可爾必極我勿備其人我終不謂然微達而固善言而能雅樂而入我目中滋生猜沮且彼僞爲信義以堅大將軍且雌黃之舌能詔能爲謹愿之態吾察其背人之眼光直與信義相反我今亦不爲已甚之言言之適逢大將軍之怒須知吾雖健如猛犬而心則甚憂主人有時主人所愛吾轉不以爲愛則吾性也噫來者其微達而不審將何惡消息來語此時果有一人衣東方衣顏色複雜爲東部人所御辨狀卽知爲微達而大將軍方切責爪林心中亦頗滋疑慮既而自謂此人忘其性命愛我而我之疑是人乃等爪林方自咎其偏而微達而已前下馬與大將軍爲禮大將軍加以顏色言曰吾親信之微達而吾三人行過威而司界域時汝乃啣食哺

我如慈烏。至是則望爾如鴿子。願爾以和平消息賜我。汝今胡乃不言。且有殷憂之色。可趣言之。無復顧忌。苟人極力詈吾。吾亦甘之。且汝在巴勒士丁力戰。部下人死垂盡。視吾尙有懼色否。且一次舟擱於灘。巨浪打船如崩山。吾曾懼乎。此遭消息之惡。當不過此。汝恣言之。微達而以目視大將軍曰。大將軍勿自矜炫。果失色喪志者。胡以自聊。此語既發。二人均無聲。大將軍果有所懼。乃不敢詰。而又不欲示怯。則叉手於胸而立。微達而則側目驗大將軍之勇怯。爪林之目復注視微達而怒其詭秘。意果忠盡之心。不使主人動魄。耶抑如屠伯之殺人。故引其刀。弗下以弄死者耶。此時幾欲出劍。殊之既而大將軍顏色微動。而微達而亦微露得意之色。爪林大怒曰。微達而汝果爲句微達而卽續之曰。果爲將得惡消息之人。汝之怒我足見爾愚。須知消息固惡。特非我所爲。大將軍曰。旣云惡矣。胡再不言。然則我爲爾言。意薇荅殆背我乎。微達而默首拉西忽縱步行數武。而焦煩之念尙欲力抑而下之。乃曰。此尙可恕。復曰。吾剛言恕耶。實則何恕之云。當時吾曾有誓言。且爲期旣過。彼殆聞吾兵。

敗所希之事無功爲資亦罄吾無財無勢而期約已逾卽更擇所天於事亦無可議此亦恆事但恨其姓名若非意薇苓白倫日爾者則尤無媿於人語後俯爪林之背以首枕之此狀爲大將軍生平所未有者爪林曰主將無傷所失者區區一女子耳大將軍立起曰彼不嫁我何害特恨其不知我彼殆視我如負責之人待其責主刻期不至卽斬其責悍不見還實則我非失信者當時至富極貴時已蓄不欲越分之心今兵敗勢窮乃敢榮諧佳配我豈窮而思矚者意薇苓可云眞不知我今旣行矣但祝其平安多祜爲上吾今心中不更蓄此念矣使我爲彼良友亦當諄勸其勿庸嫁此老夫語已大將軍和平如昔爪林見之駭服因行近微達而之前曰此惡消息大將軍恬不爲動殊出若意料外矣微達而歎曰尙有更惡於此者大將軍曰然則意薇苓已嫁人乎噫我知之矣彼不嫁我或仍在吾拉西之家彼姓或仍拉西殆嫁吾從子達敏乎大將軍語時固笑然猛狀已呈露於笑容大似舉鳩酒與人爲壽作嬌笑者微達而大聲曰尙不名嫁語嫁時其聲至很意似令大將軍度之大將軍曰

不名爲嫁。當名爲聘。此何礙者。吾約期已後。即更新約。亦本人情。微達而曰。以我所聞。意微岑女公子及達敏將軍。亦初未有婚約。此語一發。大將軍怒曰。狗乃戲我。汝既有惡消息。趣徑直言之。不爾。余將飭爾爲魔鬼。作部頭也。微達而徐言曰。我聞女公子及達敏將軍。既無嫁娶。復鮮婚約。然二人同居。彼此相愛。即所名爲情人者。大將軍斥言曰。汝爲狗之苗裔。決無是言。乃力禽微達而動搖其身。願微達而生有內功。頗不爲動。大將軍見撓之弗動。則亦釋之。曰。汝自陳不爲妄語。否。微達而曰。妄言二字。吾決不承。即使行妄。足以自救其命。並以蘇威而司全部之人。吾亦無敢凡人當意氣用事時。即使質言。亦以爲妄。大將軍面爪林曰。汝聽之。其言果實。則吾之名譽盡。而門業亦毀。爲吾所最愛者。乃行此至醜之事。今微達而以從容出之。或非妄言。詎吾拉西家一敗至此。令一謳者嘲弄吾身。似確見實聞。其有是事者。復顧微達而曰。汝殆欲用此淫穢之事。編爲歌詞矣。微達而曰。果以是事爲歌。則吾謳者之名。亦墮。豈特大將軍且使人知微達而所伺之主人。其爲人侮辱。至是乃無仇復之心。

何名爲人大將軍曰。汝言良然。我今更無他語。亦但有復仇。然則此仇誰復耶。語時往來趨走不已。忽爾挺立自握其指格格作響。微達而謂瓜林曰。凡人無論豪傑。必有柔荑之地。足以中創。汝不憶吾在西班牙觀鬪牛萬刃。擲牛牛若無覺。尋得回回一矛死矣。瓜林大怒曰。無論爾爲人爲鬼。乃樂禍。至是汝須知我在足以備汝。爾涼血之言。但語涼血之類足矣。吾舌雖鈍而刀鋒尙利。微達而曰。汝曾見吾累經刀鋒作懼色乎。語已作態而行。幾分鐘後。大將軍始復其初語。微達而曰。佳人。汝言非謬。卽爾譏我之言。我亦汝恕。語果誠者。儘足傾吐。此等之事。乃實天譴於人。何尤天下累經憂鬱。挫辱愈足以見君子。汝今尙有何言可悉。詔我大將軍語時。竟感動微達而立肅其容。遂恭謹述其所聞者。白之大將軍消息。乃果危殆。自意薇芩身拒天使。後而二人苟且之事。乃益宣布。據以爲實。且有人利用其言。益張之於衆。時亂民孔熾。王家亦以兵前。而溫洛克所部降卒。執而訊之。則咸云。達敏將軍通賊不援。此不能不降。訛言節節符合。且言達敏懼罪。故遁歸道洛勒司堡。迨天使旣至。怖死勿出。

則令其情婦閉關抗旨。英王大怒。親統羽林大軍。力平此堡。惡耗既傳。拉西舊部大震。而蘭特而遂出撫其衆。且奉勅而來。言衆苟不與達敏爲亂者。當投戈從我。危疑之際。有人出言。衆於其人平日劣迹。亦不之恤。但求免死爲得。蘭特而固。有應變之才。當其至時。舊部咸服。歸附其人。悉以兵權屬之。且隨蘭特而助英王剿賊。一鼓平之。村人之受其殘殺劫掠。較諸孟塞爾默所部爲酷。已而事平。蘭特而以五百騎合王師。會於道洛勒司堡前時。堡中見圍久。兵旣不多。創者亦夥。糧又無繼。而拉西部衆。咸挾具攻城。守者知人心已去。衆志立懈。雖意薇芩出而誓衆。衆皆不承。咸議獻城。此時達敏自病榻起。慘白而荏弱。扶阿米洛忒近於堡上。言曰。諸軍聽我。復曰。我何爲稱爾。以此凡足名爲軍者。咸爲主將盡力。名譽重於性命。方語及此。衆中有人奮曰。逐去其人。汝謂我無辜之人。乃等於賣國之受縊。達敏曰。鈍奴。止。吾最後之鋒。尙足以了爾。餘人皆恐乎。人莫不死。何爲以早死爲怯。汝當知達敏拉西斷不以爾輩無恥之性命。用爲甲盾。汝自與英王言和。縛我聽王殞醢。不爾亦先殺我。力擲其

顧爲降者之介紹。吾枉但有訴之上帝。今勿多言。趣開壁。聽我生死。縛向軍前。足矣。而我尙以人視爾。惟意薇芩女公子。當以術保全其人。爾輩與王署款。幸存女公子。勿罹罪罟。他無所言。願爾輩勿蒙羞而死。勿蘭木克曰。吾思此少年之言。亦非謬。不如縛此少年。貢之於王。吾將陳情於王。力保女公子。不罹於罪。更延數日者。糧絕矣。此時神甫中敵弩。去其四門牙。語言乃不了了。徐曰。此非我意。惟達敏將軍既有是舉。我亦曲徇荷蘭先生之言。庚微而曰。荷蘭人及神甫勿誤。汝謂縛置將軍。即可保全女郎耶。達敏聞而大怒。示意令勿言。庚微而曰。將軍勿爾。將軍癡迷不辨。南朔。吾將示將軍以生路。大呼曰。拉西舊部。趣上馬。若不足於馬者。則二人同一騎。果能突出重圍。則生命可全。不能出而死。亦佳事也。拉西舊部聞言。亦大呼。許爲善着。意薇芩聞聲而出。止之勿譁。衆咸勿聽。達敏亦力勸所部勿棄堡而去。衆皆曰。將軍溺於靡情。乃欲市我生命。佐爾情死乎。勿蘭木克見狀。知必無倖。乃取後戶之鑰。啟而出。堡奔王帳殿求見。王納之二子李卻約翰侍側。亨利王曰。汝爲何人。適從何來。勿蘭

木克曰。臣爲愿人。來自道洛勒司堡。王曰。汝或愿人。願來處。則奸人之藪也。勿蘭木克曰。惟彼人開罪於王。故冒昧面王。取王進止。以臣觀之。堡中人聰明盡失。降守二策。皆淪黑漆之中。吾今請王。彼果降者。王將何以處之。王曰。快刀。韌繩。待彼而已。別無他物。勿蘭木克曰。仁慈之王。願王開網。處之以恩意。不爾。王雖刀快。繩韌。但能殺臣。不能傾全堡也。王怒曰。汝乃未審兵律乎。左右趣前。此爲奸宄。彼有大樹。勿蘭木克立啟其領曰。臣頸在此。謹以候王。李卻呼曰。勇士也。似此之人。陛下宜予以生路。王曰。李卻勿聲。爾少年暴躁。安審法律。復面勿蘭木克曰。汝姑言之。聽吾判決。果可允者。蓋亦允之。勿蘭木克曰。第一着。商人及吾愛女羅斯。一切均免於議。約翰曰。此果爲勿來敏人語矣。勿論何事。均以己爲先着。王曰。彼之所求。尙衷於理。允之。第二着如何者。勿蘭木克曰。乞全意。薇荅白倫日爾。性命名譽。及其財產。王怒曰。汝名爲末鳥。敢與我腦門。貴伐功罪。寡人謂汝自全其分。俾彼早降。於汝分際得矣。且爾勸彼早降。於計爲善。不爾。且晚下此堡。彼輩當無瞧。勿蘭木克自念不得微利。則此行

爲虛顧心中深知堡危且下。在勢宜如王言。尙足自活。遂沈吟不能決。王見狀。知此商人尙能戀主。乃曰。商人悅爾。忠於所事。惟勿爲逾分之求。吾不言堡下之後。果於律意。無背吾胡。爲以多殺爲快。約翰啟曰。乞陛下予臣以命。先登入堡。罪女意。薇荅請以賜臣。李卻者。鄙夷約翰者也。進曰。請陛下可其奏。彼肯冒險爲臣所未覩。吾攻堡既久。彼中矢石且盡。約翰鼓勇而進。必不至於痍傷。王曰。李卻勿爾。汝語含諷刺。旣敗若弟之名。亦以傷我之心。語約翰曰。可若請。惟罪女我自處置。不能屬汝。復謂勿蘭木克曰。勿來敏人。吾兵宜以何數入堡。勿蘭木克未答。忽有牙將入帳。與李卻耳語。顧語尙可聞。言曰。堡中似有內鬩。近見數騎出堡而逃。果乘此懈。敵攻之。堡且立下。李卻曰。約翰汝聞之乎。汝趣以梯倚堡牆入也。吾甚願汝乘垣時無人敵。汝汝以半顛之手。仰撮空氣亦佳。惟宜經心者。堡下有濠。頭眩卽墜。此足虞也。王曰。李卻此語非英雄所忍出。且言之適所以自戕骨肉。汝知之乎。約翰汝趣以甲往。約翰曰。吾擐甲卽行。遂徐行雅步而入。李卻大笑。謂其牙將曰。吾弟易錦衣而鐵甲。爲

時尚滯吾。今與若先行語。既風馳而去。王大怒。且歎。息曰。阿兄熱而穉。弟涼直水。火矣。嗟夫。李卻固誤。尚不失爲丈夫。語格洛司忒侯曰。侯趣以兵助李卻。他人烏能遏抑其氣。嗟夫。天也。亨利何罪。而家庭乖忤。至是。內史進曰。此特小過。陛下何憂。王曰。兄弟不合。百事皆忤。特其不孝處。則兄弟同也。寡人胡能不憂。外史氏曰。亨利第二。撫有英國。可云有福。顧雖雄圖大略。遠播寰區。而家庭之不睦。大足費其心曲。又何福之云。此時李卻出帳。集數十壯士。以梯附牆入堡。入時。堡衆咸不聞知。既進。則大開堡門。格勒司忒侯遂以兵入。守者見王師猝至。備禦無術。非亨利親臨者。血光射眼矣。王入立下令止殺。處置堡衆。一用寬典。散卒見執。則但收兵械。許挈行囊令出。兵官則悉入獄中。用待判決。達敏科罪極重。將處極刑。以警餘叛。意薇芩者。卽以閨閣爲彼。狎獄。令羅斯及愛立斯爲伴。勿令外越。傳聞籍沒其產。割其半。賜蘭特。而以旌其功。意薇芩者。俟定讞後。資至法國女冠庵中。令懺悔己罪。神甫以教門中人。王不敢詰。付之教會。令以教律處之。然亨利第一次見神甫。道帔之上。加以鐵甲。則大

怒切齒。幾欲纒之城樓。令傳道於鳥巢中。王部置竟。始與勿蘭木克談貿易製造事。勿蘭木克固訥於言。然奏對至稱旨。王悅曰。汝固愿人。所求悉允爾。凡勿來敏人。悉赦勿治。惟若輩中有數人爲李卻所殺。李卻臨敵。初不能不血其刃。汝今以部人歸布廠。前皆均赦。後此更勿預彼罪人之事。勿蘭木克曰。王當知小人本僑居於是。嚮乞邊帥將護。有事得自盡其力。今堡空帥死。小人將何依倚。又嚮何人宣力者。王曰。後此允爾。荷蘭人聚族居此。卽以爾爲巨酋。免爾宣力。至曲徇背叛之人。非福也。勿蘭木克悚然曰。陛下聽小人言。背叛非本人意。特數莖之絲。遂爾成布。特爲巧言者。組織成此耳。王曰。止爾論。織布事宜歸若廠中論。吾政治中事。不能容爾組織也。勿蘭木克失色而去。乃不審達敏諸人。王胡以處置之。時王已駐兵此堡。而蘭特而居堡極力媚王。王寵禮亦日隆。於是意薇芩所有之產。半歸蘭特。而人人咸言蘭特而見寵。則達敏拉西及意薇芩必大不利。達敏決死。而意薇芩亦無幸。

第三十章

上篇所言係微達而悉數以語大將軍者語安得若是之詳而吾書不能不卽微達而口中所敘而加詳之此文中乘便之筆也微達而且言且視大將軍似瘍醫奏刀竊觀病者之顏色然大將軍聞之頗沈憂但不類淺人之惶怖旣怒且羞怒羞之故羞爲其從子及聘妻苟且犯上二人悉皆不利不利之事亦不專爲己也微達而見大將軍初聞尙痛旣乃淡然若無事不期自言曰吾在巴勒士丁見英雄死難循循不動聲色初未覩身遭家難如大將軍乃不動色至是大將軍曰汝何駭此亦等諸戰場人初受刃實痛旣乃木矣胡痛之言微達而曰此微不同大將軍情愛旣亡封邑復奪祿爵盡削名譽頓墮大將軍前爲諸臣冠今則草草如進香之客殊令人歎感無已大將軍怒曰汝故以是語譏我耶雖然吾一身遠出家人竟爲此梗治靈化之事今乃以爾傳述之言遂遷怒爾身耶汝今旣爲謳者可總吾前後事蹟編爲歌詩敘吾身世歌意宜云休鼓拉西帶往巴勒士丁之財產及所留貽之產與名譽情愛皆盡不爲主人矣然一身尙足爲一身之主天下大禍之來如風撼巨橡青條綠

葉皆盡所不能一仆者歸然巨幹仍參天耳微達而歎息言曰似此偉人吾乃百測所不能到遂屈一膝於地捧大將軍之手言曰吾謹持大將軍此手去其句語至此大將軍以爲此執褻也卽縮歸其手曰汝詎以吾方阨運乃輕我而侮我耶微達而起而言曰吾乃不料腦門貴人與謳者境地相距乃如是之遠吾初意以爲大將軍與我同出患難之中在勢宜泯勢分之畛域今旣如是可也大將軍旣與我初無情感則我亦自有其本分所宜爲者大將軍不答語爪林曰吾今嚮道洛勒司堡矣待我自歸堡中親矚物狀以實言者之所謂微達而汝以馬假我恨我不能更以馬予爪林微達而且徐行勿亟我自以身投禍而親仇微達而汝勿怏怏吾安能繫爾前績微達而曰卽大將軍忘我我亦安忘大將軍大將軍剛欲上馬忽見有匹馬前趣鞍上竟坐二人初爲樹林所翳不之見旣見之則一男一女男居前饑餒之色較諸沙漠人尤瘠顴瘦而鼻高亂髮蒙頭面目盡失但見極尖之鼻峯外挺及二深陷之目光知爲人類而已脚瘦而靴巨如以木杵納諸大箒之中二臂長細如馬鞭自其

破衣中見肉。則大類木。默不復肖人。鞍後之女。體似素封。故不若前坐之男。弗類生人。但類瘦影女者。卽爲格林。膚革不如前滑。而頰上亦半褪紅。且圍城中脂粉不施。玉容遂失衣服。特舊而尙挾數分媚人姿態。格林一見大將軍。卽以鞭叩老伍而曰。爾新治之業。胡不試習。想他業已不能治。當治此耳。來者必君子。胡不乞哀於善類。老伍而曰。吾乃向行丐者。陳乞詎非縱鷹取雀。格林曰。勿論豐約。當出手試之。因呼曰。嗟夫善人。惟以爲善之故。始赴聖陵。今蒙上帝佐公得沿道平安歸國。乞加惠憫。蘇我饑夫。但觀夫狀。足知罷矣。且吾運非佳。乃爲若配。幸大人先生一例憐我。大將軍立挽其繮。曰。若勿聲。吾今將用若馬。老伍而怒曰。爾得吾馬。乃不戰而遽授爾耶。此何如時。顧以香客。乃道劫吾馬。耶。大將軍曰。汝乃讐言。吾特借馬而已。此兩金錢。姑賃我竟日之力。卽使不還。第云馬價亦足。老伍而曰。馬爲家畜。果使格林卽斥曰。何事言果。乃力推其夫。幾仆。格林復曰。天以善人拯我。乃不趣授馬。何也。今吾二人。乃不得一飽。尙何力畜馬。詎我夫婦與馬同芻乎。神甫曾告我先代何王。亦正如

此老伍而曰。此時胡能論古。遂下欲扶其妻。格林防其夫餒敵。不能勝其軀。則招手命爪林進其馬前。爪林如言。格林曰。客從巴勒士丁來。赤司忒大將軍消息。曾挾之同來否。大將軍方理纒。卽曰。汝識大將軍乎。與彼胡涉。格林曰。吾與大將係屬多矣。大將軍家事。今乃盡覆。一從子之手。大將軍曰。達敏乎。格林聞聲大震曰。先生乃怖我。因謂爪林曰。先生之友發聲。乃如巨靈。爪林曰。吾友在南荒久。故暴易其性質。惟問爾爾宜趣答。或得美酬。格林曰。然。因向大將軍曰。先生問達敏。傷哉。達敏安有須斯之益。不日且纒其罪。良莫須有也。吾所言者。蘭特而拉西也。乃并其老季父之世爵。巨產而有之矣。大將軍愕然曰。乃不待其父死。耗遽爾承襲國法。人情均無一可。格林曰。蘭特而對王發誓。言彼父殞矣。吾思果一日。老人歸者。彼且無倖。大將軍曰。汝殆與蘭特而有仇。故讎之。至是格林曰。吾安有仇。彼僞爲商賈。吾竊縱之入堡。復密語以意。薇苓家事。言女頗愛達敏。惟曾與大將軍定約。故不敢相見。此幽密之事。竟一一語之。胡得言仇。惟先生聞及彼家事。何戚戚。至是詎亦與拉西家有係屬乎。

吾攜得酒。至先生宜小飲。以甯神。大將軍曰。吾不須酒。惟戰創時發而痛。故有戚容。非戚。拉西家事。吾尙欲問爾。彼達敏與意薇芩。後此曾否相親。格林曰。此二人均童。駮初不解。作幽會。惟當時果有識見者。示以坦途。或不至是。吾思老休鼓必死。遺產應歸其妻。或其從子。蘭特而特。休鼓旁支。而又落拓。何爲承祧。先生試思。蘭特而之。愚我似移金山。贈我用爲酬金。今旣得堡。乃屏我如棄灰。旣來。卽曰。吾將罰爾坐。柙。牀。否則入女冠廟中。彼蓋知我無助。助我者一老伍。而老伍而自不能助。惡能助我。果一日爲陽光射。灼臭皮囊之老休鼓。歸朝者。吾必一一舉。蘭特而之。奸宄告其人。語已。衆聲寂然。少須。大將軍言曰。據爾言。達敏及意薇芩。初無幽媾之事。足以對我。卽復言曰。此非我也。所謂我者。特巴勒士丁之老拉西耳。格林曰。是二人者。相愛固也。厥狀大類安琪兒。或類小羔。又類愚駮。二人引嫌。至於不敢對語。設非蘭特而妙計。則彼此終無言矣。大將軍驚曰。蘭特而乃行詐耶。彼撮合二人語者。於彼胡利格。林曰。蘭特而初意。非合此二人。蓋欲狙劫意薇芩爲妻耳。僞爲賣鷹之人。愚老伍而。

及女公子出堡。獵驚驚先伏。威而司人於林莽間。刼女公子。女公子受刼不審其計。尙以爲可贖也。爾時非達敏將軍趣救。此時尙未卜如何者。而達敏將軍中創劇。故昇入堡理其創。女公子曰。脫非被創。少將軍自欲進堡者。女公子亦力格繩橋不聽。入大將軍曰。婦人聽之。如爾所言。似蘭特而詭謀。汝已與之。汝惟有過故爲語。以自文飾。不可也。老伍而曰。吾妻格林多言而謬。惟先生窮詰吾妻。亦似於此事。大有係屬。今足下欲窮其事實。告汝格林所言確也。彼生平無篤實之言。此遭初不欺罔意。薺芩女公子及達敏少將軍心迹。有同乳下之兒。安有謬誤。今尙何言使欲伸其枉。卽叩九關而亦無路。吾輩見逐方於此。乞食耳。嗟夫。人生安常處順久。忽有今日。如何能堪者。大將軍曰。堡中詎無舊人爲二人左證耶。老伍而曰。蘭特而旣握大權。孰敢舉其過。且殺者。餒死者。流亡者。零星垂盡。無復當日舊人矣。然尙有織布之勿蘭木克及其女羅斯灼。知其事。大將軍曰。卽荷蘭人威而根勿蘭木克耶。其女卽能吐剛直之言者耶。此二人者。果誠慤足信。今其人安在堡中。巨變以後。彼父女無恙耶。

格林驚曰。先生果何人者。因謂老伍而曰。爾我夫婦。言語過質。觀此先生聲容。甚稔。似曾相識。大將軍去其包裹之巾幘。以面目示格林。曰。汝言良然。今試審之。格林立踞。並引老伍而同踞。曰。此大將軍也。吾無狀。乃呼爲老休鼓。今不得生矣。大將軍曰。余空無所有。但有老休鼓三字。屬我耳。惟汝所述之言。吾意良愜。即有大罪。亦當恕爾。今但問爾。佛蘭木克及其女。安居格林。曰。羅斯與女公子。同禁。惟女公子酷喜羅斯。實則梳掠之功。吾較羅斯良也。大將軍曰。噫。此女子忠哉。勿蘭木克又安在。老伍而曰。王赦其前過。且蒙厚賞。今尙居織布之廠。在戰場橋次。大將軍曰。今我且造勿蘭木克家。試觀亨利大王。所以處我老臣者。何若。卽爾二人亦隨我同行。格林跼蹐。不卽行。言曰。吾儕小民。與大人之事。往往不得當。徒自陷於罪罟。吾亦知吾吐誠語。不密。大將軍能否原我。吾前此之善。初未得酬。後將何冀。老伍而曰。汝尙喋喋。耶。今爲救我女公子。汝不忍拚此老骨耶。汝前此吐妄言。行敝事。烏能逃大將軍之鑒。大將軍曰。善人。汝勿聲爾妻前罪。吾赦之。爾功吾萬不敢吝。酬復迴首視爪林。微達而

曰爾二人忠我此遭歸面英王或復我舊職吾第一節卽賚爾功微達而曰我亦無求能隨大將軍於願斯足且吾在大將軍危難中大將軍尙不予我以手則榮歸後又安敢望報大將軍及我之事尙不於此時了也大將軍曰爾本近眩人言皆近謔今爾欲安往者恣爾所往晚禱時當遇我於橋次在晚禱前吾尙宜勾當數事爪林曰爲時無多大將軍曰吾獲勝爲時固非暮也微達而曰亦有人固言必勝然亦有卽在此數句鐘中戰死者大將軍曰此殆言蘭特而也彼尙夢夢不知其死耗之近語後大將軍以馬行老伍而夫婦亦上馬爪林微達而則步逐大將軍馬後

第三十一章

爪林及微達而行次初不交言彼此互忌實則爪林之不直微達而爲意甚堅微達而之恨爪林亦以隨地設防不能遽行其術行次則作微謳不視爪林謳中之意多外國文詞爪林乃不知其所謳爲何曲於是行可二少時忽見有人類御者引馬至言曰二客中孰爲腓力爪林者爪林曰我也其人曰大將軍以馬授將軍苟不見信

尚有物足證。遂出牟尼一串。爪林識爲大將軍物也。曰：此不爲誤。大將軍何令汝爲。余言之來。人曰：大將軍言所行。輒如願。今日斜陽未落時。均足復其故業。命將軍乘馬入道洛勒司堡。尚有事屬將軍。爪林大悅。聞主人恢復故業。且能與微達而判。襪則尤喜。慰微達而曰：大將軍詔我。曾有何語。來人曰：君非謾者。微達而耶。大將軍告微達而如故約。待大將軍於戰地橋次。微達而曰：如大將軍言。語已。二人均上馬。飄瞥已不之見。時爲午後。陽光已斜。去大將軍接見期。尙有三小時。離橋則四英里而已。微達而如有所思。舍大路入於荒僻之處。流水涓涓出亂樹中。奔逝微達而無言。坐於水次。二目注此水上。不審所思爲何。少頃。如有所覺。斗然起立。出糲糲食之。因憶及身爲生人。非食莫生。第心有所思。久食僅納少許。擲其餘糧。水際復取佩壺飲酒。乃並酒不飲。亦擲之水中。伏身飲水。並滌其面及手。覺精神來復。復歸大道之上。尙發聲而歌。作古調。但聲咽而微。如有所悲。漫步內嚮。及於橋次。見道洛勒司堡矣。言曰：至矣。吾當留此。待彼驕夫。此殆天意。使然。尋當知我行狀。徐步過橋。近橋有小

阜遂登阜坐。四顧平原。見河水澌澌爲晚霞所影。赤光射人。林葉全丹。已近深秋。時候而堡上巡兵荷戈邏守。刀光過日。瞥眼作光。微達而初甚憂鬱。至是稍和婉。人遂去。其朝陵之道。帔見其謳者紅綠之麗服。出小笛於衣底。且吹且唱。作威而司聲。歌意均本復仇。末句則云。恩意已酬。仇家須復。方其歌時。二目流盼橋次。見堡門已開。從者警蹕似有所迎。更一凝視。前此均天然景物。水木明瑟。今則男女無數。爭向橋次。咸有所延。勿來敏布廠中人亦繁夥。列隊向橋而前。此等儀節。吉而非凶。前行者均軍樂。荷蘭人皆盛服。老者前導。扶杖以三人爲列。老人去後。勿蘭木克擐甲騎馬。惟不著盔。似將面王。馬後均荷蘭壯士。可三十人。亦悉戎衣。步伐既整。甲冑鮮明。照眼。男子行後。繼者均婦女。再後則童子。此等人均繞阜而過。向橋而行。既渡橋。則作兩隊。以面嚮堡。如有所待而行禮者。勿蘭木克身爲領隊。時時指麾。此外男女觀者。咸卽其前。有二農夫去微達而坐。處至邇。中有一人問謳者曰。吾予爾一錢。果擲其錢於其冠中。令謳微達而曰。我近立誓。不爲豔曲。農人曰。爾音似近腦門。殆薄

我英人故靳不我歌。中有少年人言曰。爾不唱。由爾。然香客亦足受我微饋。微達而曰。君輩善心。惟余今日無須此矣。敬還君賜。尙有求者。今日堡外作此舉動。何爲者。農人曰。汝不知大將軍歸朝耶。當日大將軍允荷蘭人以盛賚。今日得於王前。酬其恩意。語時。卽曰。吾作閒談久。幾不能見。趣下觀之。遂馳。微達而尙注目堡門。見旂脚迎風而動。知貴人出矣。且微聞堡中吹觶築聲。少須遠。遠見塵土飛颺。而觶築之聲亦洪巨。微達而自念此時行而即之耶。或仍居於此。忽見有神甫行過微達而之前。微達而問神甫。神甫匆匆言曰。此大將軍今日復其威權日也。第一節乞王璽書。予荷蘭人以利益。微達而曰。旣云有權。胡報恩急急至是。神甫曰。凡人新購一劍。務求試之。神甫尙有餘言。以行趣。微達而不之聞。隱約中似聞神甫將求大將軍乞赦於王。微達而曰。我亦將面大將軍。神甫曰。然則隨我行。荷蘭人固識我。能讓道。神甫卽愛而特魯奉固言。能識荷蘭人。然仍不能入。俄而二人分析爲兩。微達而復遇前語之二農夫。農夫曰。汝能爲幻術否。果善幻術。則腦門貴人。必大賚汝。微達而曰。我善

其一。汝能少讓吾路。吾卽爲之。衆聞言。大拓其地。微達而去。冠裹以花布。去其外衣。盡露其膊。至於肩井。腓上之布亦盡去之。袴短及膝。著威而司人草履。見者咸屬目。忽聞聲。大鳴荷蘭隊中。亦奏樂以答來者。但聞有人呼大將軍長壽。聖母將護拉西一門。衆知大將軍至矣。微達而卽極力趨迎來者。第一騎以騎上大將。雞翹高聳。卽鞍上策杖。徐行微達而卽向此。第一騎狂奔騎至時。衆皆圍裹其人。微達而力擠而入。近大將軍騎可三碼之遠。然大將軍曲身背微達而授詔旨於勿蘭木克。勿蘭木克卽馬前跽而仰承之。微達而狂跳。超人頂背而上。至馬後一轉。瞬間已跨大將軍馬。股左手執大將軍之頸。右手出小匕。首銛利如風。自頸斫之。督脈立斷。其快如切菜。膂力巨而眼光準。大將軍立仆於地。微達而已跨大將軍馬。欲潰圍出。此時人咸如夢。嚙微達而果於此時行者亦可以脫而勿蘭木克則力挽其纒。衆始爭前取微達而反翦之。觀者大呼刺客勿蘭木克縛以面。王於是萬衆爭趨堡門而已死。之大將軍則有數騎士昇尸歸堡。勿蘭木克至堡門。堡開言衆將朝王。闔者曰王詔。

勿納來者。然司閹者見禍事至烈，則雖懷王旨，亦面王取進止。少須出引勿蘭木克入。勿蘭木克既入，見王端坐，衛士環列如屏。勿蘭木克本鎮定，今日乃亦喪失其面目。見王震越失次，刺客旁立，神色不動。右膊盡赤，頭巾及髮半皆血腥。王面刺客怒甚，刺客無畏，且露輕藐之態。王曰：「左右知此刺客姓名乎？」堂之上、下均相視莫對。爪林自後而前，言曰：「易服矣。」以狀卜之，似大將軍帳前歌者微達而刺客曰：「腦門誤矣。」余卑污之名，僞也。我爲泡威司大王滾溫殿前司樂長官加德瓦龍也。今日爲大王復仇耳。語已忽見一人，衣香客之衣，徐徐出自王後，刺客目視此人，二睛幾欲奪眶出。撲其人，言曰：「詎腦門王宮殿中亦有鬼乎？果爾非鬼者，則我所戮又何人耶？且我非夢一超乘一抉脰，固醒人所爲，胡以所殺之人又居吾前，詎我之所殺者非赤司忒大將軍乎？」王曰：「爾所刺者果大將軍威而司人聽之，吾初以爲故大將軍沒於行陣，今晨始以大將軍授蘭特而拉，汝之所刺大將軍確也。但爾之利刃但能斷此俄頃受職之大將軍耳。刺客太息垂頭狀，至懊喪，言曰：「似我憤憤尙何名爲義士？」

見雞翹卽引爲仇則吾目爲欺我矣王怒曰後此必不令客爲目所欺今不待宵來客當永閉其目大將軍面王曰王能否允臣問此刺客王曰待寡人問後更聽大將軍問吾但問彼胡爲刺我腦門大將刺客面王復面大將軍怒目言曰我所欲殺之人即洞我萬王之王之胸臆者指王曰爾驕王之血視吾王之清血猶濁潦之於山泉耳王怒不可遏及大將軍噤嚙如有所陳請因面大將軍曰汝趣問之爲時無幾耳大將軍曰臣欲問彼趨走帳下數年胡爲不殺匪特此也且臨難數數拯臣刺客曰腦門我質言之吾第一日卽欲取爾當日之不死恃有彼耳因以手指爪林大將軍曰吾固憶爾舞劍時鋒皆嚮我也然後此如何者刺客曰殺吾王之人旣爲上帝効力吾安能以人間之私仇仇上帝之厮僕王哂曰威而司刺客能涵忍耶加德瓦龍曰此爲基督教君王所不克至汝輩第乘人出師時極力收人之產猶刼賊耳王怒欲裂其肺則力忍之曰趣出此人赴纒首之臺大將軍曰臣尙有言謂刺客曰微達而旣而曰誤矣然汝以微達而來則吾仍微達而汝也汝言聖陵之役不忍殺我

然自聖陵歸來船碎汝拯我也潛過威而司時汝亦以策全我邇時汝但一言吾齏粉矣乃汝默不一發其又何說刺客曰誠告汝吾非畏死始爲是言王曰汝勿憂死確也卽吾父祈我亦將抗旨矣刺客曰旣如是矣吾當質言汝死於舟及死於威而司人手咸非吾意留汝正以刺吾刃尙有一節宜奉白此亦余加德瓦龍之不振自余侍爾數年余心遂有歧念一恨汝一服汝也今日道上見爾身被天下之奇禍仍夷然不動爲英雄氣概吾心殆以汝爲殘破之故宮巋然存此高闕胡不留爲後人憑弔之區故不殘爾方執爾手時心正憐爾將罷前仇勿念而汝乃斥我輕我也顧輕我我尙忍之至於後此爾乃乘駿馬擁高牙驕踞於我先王濺血之地吾安能忍本圖殺爾乃誤殺爾仇轉令爾伸眉於此詎我意料所及今更無他言趣引我就斧鑕或登纆首之臺仍從若便一無所別吾之靈魂當就我先烈侍我摯愛之先王大將軍此時向王而跽曰王能否允患難老臣之請曲赦是人似此耿耿孤忠不宜戕害以絕人臣之鑒王曰起公胡爲冀免是人之死若骨肉之血尙淋其膊染其額漬

其巾公獨無見乎寡人之意不令蘭特而血乾卽死其人左右趣引此人出於是武士爭進擒出其人大將軍尙伏地不卽起王下寶座掖起之曰老友痾發乎胡久不起寡人之殺刺客正爾爲公公子蘭特而近大散賞財要結健兒之心已多人稱美其行今見剽於客人心焦烈如狂公自戰地新歸苟不爲彼復仇則公義旣墮而蘭特而黨人亦將不直於公公又樹多仇矣今使蘭特而尙在寡人欲追奪其爵恐朝廷之權力亦非易易寡人今日頗感威而司客行此用代靈誅不爾人將疑寡人遣客矣且以血易血人心平帖則所部當仍歸附大將軍拉西聞言起立敬謹答王然心中亦知王此策爲包羞之助蓋一身遠征而家產見籍盡賜蘭特而於君臣之義胡當今王用此自掩拉西亦僅能俯首拜王之賜此時聞門外鐘動知罪人已受縲王引大將軍至窗下觀之見伍伯各執火炬呼曰亨利王萬歲腦門貴人之仇盡矣

結束

意薇苓以罪幽屏於姑氏之菴中姑氏本輕其人又疑其有苟且之事且夕譏諷意

薇。芩。較。罹。死。刑。爲。酷。姑。言。本。非。惡。特。訓。中。寓。譏。語。語。刺。入。肺。腑。先。有。羅。斯。在。側。尙。足。解。憂。迨。荷。蘭。人。拜。賜。時。羅。斯。亦。去。羅。斯。去。後。則。以。老。女。冠。侍。側。女。問。羅。斯。胡。以。去。我。女。冠。不。答。但。曰。凡。人。本。黃。土。所。擽。何。必。需。此。錦。粧。而。金。飾。吾。爲。虔。奉。聖。母。之。人。今。乃。爲。汝。侍。巾。櫛。事。吾。心。滋。快。快。迨。早。禱。旣。畢。姑。氏。言。曰。羅。斯。此。去。恐。不。能。來。以。前。此。句。引。達。敏。詣。其。女。公。子。之。室。並。前。在。祖。姨。家。令。達。敏。破。窗。入。援。事。亦。發。覺。今。無。倖。矣。女。聞。言。大。悲。謂。達。敏。與。己。初。無。苟。且。之。行。律。以。死。罪。卽。此。羅。斯。亦。復。因。己。而。囚。四。顧。蒼。茫。寸。心。灰。死。乃。強。語。其。姑。氏。曰。姑。氏。無。論。科。我。以。何。罪。者。我。皆。直。承。無。所。剖。辨。但。願。上。帝。垂。慈。吾。枉。或。可。白。也。此。日。中。意。薇。芩。悵。悵。無。主。行。坐。均。不。自。由。一。聽。女。冠。指。使。若。忘。其。心。而。外。狀。則。同。石。象。謠。詠。之。來。亦。正。類。雨。點。之。淋。石。象。石。象。屹。不。爲。動。姑。氏。初。挾。前。慄。故。時。圖。報。復。至。此。見。女。如。癡。防。其。成。癩。感。念。骨。肉。情。復。爲。動。遂。命。引。之。入。寢。自。爲。加。被。臨。出。尙。與。接。吻。且。代。祈。福。女。爲。姑。氏。所。困。尙。足。力。支。至。姑。氏。加。憐。不。期。有。觸。而。哭。旣。哭。而。蘊。冤。釋。心。緒。少。平。不。期。而。寐。然。夜。中。亦。累。醒。噩。夢。百。出。或。夢。披。緇。

或夢就死。或夢佳期。或夢纓首。或又夢身爲命婦。凌雜不可指數。迨近遲明。始安寢。卽有所夢。亦不驚擾。夢堡中供奉馬利亞象。與之微笑。言曰。我必佑爾復夢。其父其貌似喜似憂。但見發吻不聞宣言。大致似勸勿悲轉瞬。而佳期已到。復夢一美人古裝盛服而入。忽憶卽爲不列顛紅指之先靈。而玉色芳容。都無厲氣。前此披髮於肩。今則爲古髻盤於頂上。右手指斷則隱之袖中。左手葱尖撫摩其體。又作一偈曰。未嫁而嫠身。則妹汝能叛人人。汝欺事過仇。釋今其時。吾手示汝瀕佳期。語已方欲俯而接吻。意薇芩忽悟爲鬼。則大呼而醒。張目時。果有一女力挽其手。正欲接吻。然已帶哭聲視之。羅斯也。意薇芩驚曰。羅斯汝胡能來。汝今就我矣。然汝胡哭者。羅斯曰。恣我哭之。吾樂極而哭。久久未嘗有此。今茲之哭。後此若爲憂哭者。恐無其事矣。適阿米洛忒有書示我。言已釋放其主人。亦無罪。亨利王深洞其枉。此外尙有佳兆。容徐言之。然女公子之容。胡以慘白。女曰。無之。汝但言吾意。夙已悟矣。羅斯曰。此遭搆禍之人。爲蘭特而將。永不能起。而禍我矣。近有威而司義士力斫此人。惜哉。纓首而

死。大將軍歸自聖陵。其洞人事亦較前爲高。有人言將罷婚約。意薇苓顏色立化。慘白爲緋紅。即斥曰。孺子愚也。確乎。旋改口曰。非也。吾乃確問蘭特而死乎。大將軍歸乎。此時女言衝口而發。亂雜無章。而羅斯亦隨問而答。初無審擇言已。兩人癡視無復後言。以上敘意薇苓菴中事也。若達敏者在例亦當一敘。以釋讀吾書之疑盼。達敏下獄久。特古今異俗。古人但爲人所指。已加錮鑕。不類近世之審慎。諸君幸勿以文明之獄待彼。達敏。達敏身爲門子。系出故家。然亦縮鐵繩。加以糲食。其略異者。不與羣囚爲伍。獨踞一室。室中陳木榻一案。一櫬。均陳壞。此外尙有一棺。棺上畫達敏平日所用矛盾刀劍之屬。示達敏以去死不遠。用是爲識。獄門既深。不審入後。外間何作。達敏亦自知不免。蓋閉門抗旨。法在無赦。於是者可一月所異者。下獄後。人愈偉碩。一一復其故態。不審御食粗而健碩易也。或心死無憂。因而致肥。則不可知矣。一日禁卒忽入言曰。將軍不久易地以處矣。達敏知狀。謂死期垂至。即亦無懼。因曰。汝爲我延牧師。禁卒點首而出。明日達敏方睡。聞鐵鎖聲。自睡夢驚怛而起。以目視。

門謂伍伯將與牧師同賁。門啟。忽見禁卒引一香客入獄。達敏曰：禁卒此非所延牧師耶？禁卒曰：汝自問之。匆匆遽出。香客立於屋中。以目注達敏。久。達敏散髮踞牀。身被鐙鑿。爲狀至醜。顧視來人甚壯。以巾裹頭面。手榆樹之梗。知其人必至聖陵者。卽曰：神甫曾否爲我臨刑施其懺悔？來人曰：我非教會中人。特此來所將之消息。殊不適於爾。達敏曰：此地此人均無佳消息。可以自寬者。我知之矣。客曰：憂中得噩耗。奚動惟席履豐厚者。聞之動耳。達敏曰：憂者聞變以速。爲快若久久。勿宣亦足困人。請先生趣告我以死耗。果君來告我以支解吾體事。則願上帝加惠於脫殼之靈魂。其人曰：吾來非爲此。實來自巴勒士丁。乃不知足下至此。蓋所寓書之人。謂我寄語一自由及多財者之身。不期足下竟至於此。達敏曰：客但觀吾械。可以知我自由。更觀此屋亦足。知我多財。雖然。巴勒士丁有言囑我。其人必我季父。果取助於我。或求資於我。我形骸至是。胡足以急吾季父之急。客曰：若父羈囚於虜中矣。彼一日大敗。爲殿見取於敵。顧身雖見俘。而蘇丹大將哈山阿里已爲大將軍所殺。今回人重械。

若父較爾爲酷所處。狂獄黑無天日。以爾較之。直仙居耳。先是撒拉定將以窮刑處。若父後。此有人語回王父家。至富不如留以待贖。撒拉定約以一萬金錢爲贖。若父曰。果欲得一萬金。惟盡鬻其產。始可得。旣云鬻產。則當濡以時。日蘇丹曰。若狗類無可憫恤。儘若窮富。吾必取足萬數。始釋。乃加惠命。以三次納贖金。第一次金來。必以彼家親屬爲質。故若叔命爾將三千金往。易若父歸。卽以爾身爲質。達敏曰。嗟夫。吾父見背。撫我者。季父。今季父在。難需我。我乃身羈縲。綈天平。奈何。客曰。此消息。苟令若季父聞之心。滋忘。季父言思歸。切當與已聘之美人爲婚。似此遷延。其不歸矣。達敏聞言而顛。錄爲之。動客曰。此人爲若季父。吾不敢斥言。以我思之。老夫得其女。妻妄也。當未行時。風貌如何。吾不之析。願出征後。長日行於沙漠。又一年幽囚醜形。骨立胡足。爲美人之夫。達敏怒曰。止汝放言。無忌。乃巖吾長老。且此語。又陳之。吾前無禮極矣。客曰。恕我。惟鄙人意。似此。玉人宜匹其姪。胡乃自謀。達敏尤怒。言曰。此尤非禮。恨吾鎖鈕在身。不能陪汝。汝出矣。客曰。汝宜告我回音。至於汝之暴怒。直同以。

水。潑。石。於。我。都。無。所。損。達。敏。曰。汝。告。吾。父。吾。已。下。獄。家。亦。籍。沒。不。爾。必。自。行。以。贖。吾。季。父。客。曰。此。語。非。誠。汝。明。知。其。無。濟。故。慷。慨。至。是。果。身。擁。厚。賞。初。不。入。獄。詎。能。慨。諾。南。行。達。敏。曰。汝。趣。行。汝。又。烏。知。吾。志。幸。勿。以。我。囚。拘。故。挑。吾。怒。不。能。報。爾。客。曰。果。吾。有。力。足。以。釋。汝。汝。能。踐。前。諾。乎。達。敏。曰。汝。何。言。謔。我。耶。抑。實。有。是。事。客。曰。我。初。非。謔。遂。出。勅。於。衣。底。上。有。英。王。璽。書。且。曰。汝。亦。知。蘭。特。而。爲。人。所。殺。乎。彼。生。平。力。叛。其。季。父。今。茲。悉。露。王。亦。知。若。枉。故。出。此。赦。書。且。以。大。將。軍。產。三。分。之。一。賜。爾。達。敏。曰。王。予。我。自。由。矣。客。曰。汝。試。觀。制。詔。王。不。加。璽。耶。達。敏。曰。然。則。吾。去。此。錄。矣。頓。足。呼。禁。卒。入。禁。卒。入。時。達。敏。曰。汝。知。我。獲。赦。乎。禁。卒。面。此。香。客。似。待。號。令。已。而。視。達。敏。曰。釋。矣。達。敏。曰。汝。知。吾。蒙。赦。章。胡。不。預。告。禁。卒。曰。少。將。軍。宜。平。心。靜。氣。前。此。一。小。時。少。將。軍。安。知。有。此。者。今。胡。急。爲。邇。時。果。進。而。去。械。少。將。軍。將。慄。懼。赴。斷。頭。台。上。矣。達。敏。曰。勿。喋。喋。趣。去。吾。械。因。面。客。曰。汝。將。得。好。消。息。至。前。此。之。唐。突。吾。恕。汝。矣。汝。此。時。種。種。疑。我。幸。皆。爲。余。季。父。不。爾。吾。不。汝。恕。也。客。曰。少。將。軍。自。由。矣。能。否。舍。此。獄。往。就。西。利。亞。

之獄。達敏曰：汝第引吾行，吾決不沾滯。客曰：金又安在？達敏曰：王既賜我，以季父遺產三分之一。產因王賜，然仍吾季父所有。吾即以父之所有，取以救父。吾尤知猶太人龍巴地人方誕此產，得之必恐後復語。禁卒曰：狗趣下！吾鐐勿令傷吾脚。吾今將行長道，不易也。客視達敏久，滋以爲異。乃曰：我今不欺爾矣。似爾孝義，不宜泯沒。達敏將軍，吾尙有祕密消息告爾。此禁卒爲撒克遜人，不知法語。吾今操法語以語將軍。汝亦知若季父宗旨已變，以久客南荒，體罷而善病，前此頗疑爾。今茲信爾矣。達敏曰：汝所云祕事，但如是乎？須知人奚不老，老其分也。正惟其老，故欲需吾後人孝養耳。客曰：此外尙有言若季父聞謠諑，謂爾與意薇、苓白、倫日爾有非禮事，聞之滋怒。汝今祕蘊爲吾揭出矣。達敏曰：否。汝見余變色，蓋解鐐時鐵觸吾腓，痛耳。汝今更言吾父聞此信，吾叛矣。客曰：然若父恆語我，滋信此言。俾勿告爾，防爾聞言將斬。資不赴援。大將軍言但俟其至，吾不更繼以資坐聽其死於回人之手。達敏震曰：確乎吾父詎有是心，以吾斷之，必非吾季父所爲。客曰：爾勿自信，果至西利亞者，必死。

無疑。而若季父卽榮歸完娶。享玉人之豔福。達敏垂首視地。言曰。據爾決之。吾應何出。客曰。以我爲若計之良易。彼旣不以誠見待我。何爲報之以誠。若父旣欲陷爾。死地爾胡不聽彼老骨。瘞於荒裔。矧王旣以一分之產賜若。若胡不竟娶意薇芩。又據其產。足以雄長一時。且吾深知意薇芩之心。果爾求婚。定無不允。至於前此之約。但得王語大主教儘易改其前署。卽將休鼓之名。剔除加以達敏。亦匪不可。此時達敏脚鐐尙有一釘未拔。跂足榻上。令卒治之。迴面語客曰。凡人僞爲誠慤之容。以奸言陷人於惡。此爲魔鬼伎倆。今汝所言。殆與鬼合一老叟。汝聽之。汝果爲人者。趣出。至於爾之詔我者。無他報汝。但有一唾。於是出其拳示此客。曰。汝慎之。吾少須自由矣。客叉二手於胸。曰。孺子嚇我。我安爲汝動。余今尙弗行。必爾我二人作心腹之談。始出。達敏曰。可待我自由時。自足驗爾。爲人爲鬼。語時。釘拔。巨鐐帶鎖墜地。琅然。達敏起立。曰。請與我較力。乃立趨引香客之腰膂。以力舉之。欲置之地。久乃弗動。然達敏每舉一次。卽曰。汝後此敢污蟻英雄及貞女者。視此。達敏之力。本足拔樹。而客特徵。

爲一動而達敏已咻喘如奔豚客略推之立仰客曰孺子無禮乃敢得罪若翁之兄弟達敏既仰暈甚而香客已立去其裹首之巾雖飽飫風塵而音容如故則季父大將軍休鼓拉西也言曰達敏自余與爾較力後今日之事不審汝力暴長耶抑吾力漸退後此一推吾幾躓矣幸吾家所留貽之拳技爾我皆精然汝長跽何爲吾扶若起矣於是父子親吻示愛因曰吾親愛之兒汝勿謂吾爲香客故試爾心實則吾心初不疑汝惟人言藉藉吾作此詭態試爾忠心既以塞謗者之口亦足以明爾之無苟實告汝吾之所言外間聽者歷歷有人也復曰孺子吾適爲爾所窘腰膂亦微痛達敏曰吾最親愛最尊敬之季父其赦我乎大將軍曰汝無罪何赦之有至於彼此較力非復一日惟尙有難事命爾爲之爾當易盛服於午中隨我入禮拜堂今日爲意薇苓白倫日爾嫁期汝必至是此言一發達敏復跽曰請季父勿令吾前吾新被大創尙未全瘳身軀滋荏大將軍曰以我腰膂爲證汝之雄力大類腦威之熊達敏曰適或怒發使然乞季父加我以他事吾匪不如令卽有過失見罰亦乞以他事斥

我此無爲也。大將軍曰：今日行禮，非爾莫可。汝弗前者，則飛語將證爲實。此事殊關於意。薇苓及余，品德達敏曰：既有關於吾父及女公子名譽者，孺子不能不至。惟婚禮成後，乞聽吾披緇，否則從軍。阿爾蘭以死自効。大將軍曰：但得意薇苓允汝者，吾亦允之。達敏曰：季父固戲我，惟此語安可遽出。大將軍曰：吾決不偪汝以難行之事。汝果至，禮拜堂不欲諧此伉儷，可以母行大禮。吾素未聞郎才不悅女貌者。達敏大驚曰：季父不嘗許句。大將軍曰：我固許退我婚約，卽以此約加汝之身，故意薇苓今日之嫁爾，明日卽爲彼夫。今教會中署諾王亦報聞新嫁娘一無齟齬，所以取決者，但在新郎君一言讀吾書，諸先生試思之。達敏之答言，可以不思而得。至於成禮文之繁褥，但可付之虛描，不能實寫。王以待達敏涼薄，乃自臨主婚。阿米洛忒及羅斯旋亦成爲婚配。老勿蘭木克亦拜命於朝，爲種人僑寓之大長。此節爲王之隱衷，以阿米洛忒身爲貴族，防輕荷蘭，故貴勿蘭木克正亦所貴其女也。大將軍目擊佳兒佳婦，中心滋悅，未幾復督師征阿爾蘭。於是休鼓拉西勇名在克復此島時於史。

乘中至焜耀無匹。意薇苓復歸舊堡。乃大賚同難之人。首及神甫。人泯其過。但錄其力。神甫初禁廟中。至是歸飲酒食肉。其樂無涯。格林之罪。指不勝屈。顧以老伍而之。忠亦曲宥之。惟家室勃谿。其狀如故。前此之鬪衣食不足。今足而仍肆其爭。譬如二狗。予以盛席。其聲狺狺。然卽一骨之投。亦復如是。老伍而未幾。而殞格林之舌。鋒無礪石。以磨之。則亦日見其鈍。後此則常誦經文。追薦其夫堡中百事。均得天佑。但有一事。意薇苓頗怏怏。以一身開罪於祖姨。復失歡於姑氏。其事如風動春漪。作小波瀾。之旋起。卽滅。蓋一與達敏成婚。全書中萬種春愁。悉逐吾筆尖而渺矣。

完全華商股份 商務印書館出版



八册 每册 一角 五分

近者武成建廟。合祀關岳。又以古今名將二

十四人爲陪祀。本館特就諸公之事跡。編輯成書。

顏曰：模範軍人。或一人一傳。或數人合傳。採摭

史料。搜羅遺聞。以淺顯之文筆。述偉大之

事業。凡我軍人及一般國民。皆宜人手一

以爲私淑之師資。而振尙武之精神。

- | | | | | | | | |
|---------------------------|--------------|-------------------|-------------|-------------|-------------|-------------|-------------|
| 第 八 册 | 第 七 册 | 第 六 册 | 第 五 册 | 第 四 册 | 第 三 册 | 第 二 册 | 第 一 册 |
| 周威藍馮常徐郭旭劉韓秋王曹郭李蘇尉李賀韓謝王趙張岳 | 遇繼遇烈世彥子光定遲若擒 | 錡忠青章彬儀弼方德敬靖弼虎玄濬雲飛 | 穆 | 武壯 | 穆 | 穆 | 穆 |